

杭州圖書館

◎ 杭州圖書館

明詩綜卷六十七

長蘆 朱彝尊 錄

魏塘 朱岸登 緝評

魏學伊 十六首

學伊字子敬嘉善人贈太常卿大中子鄉人私

諡孝烈先生有茆簷集

靜志居詩話魏忠節公被逮日天大雷電子敬徒跣號請隨行公語之曰覆巢豈有完卵父子並死無益也子敬乃微服縱騎後探起居抵國門邏卒四布乃變姓名匿都市營救不可得公既繫獄扶櫬歸朝夕踰垣未嘗一入寢室淚盡唇焦家人捧水漿以進却之曰吾父詔獄中孰夜半而進之殺者病且革進以藥則又却之曰吾父詔獄中孰診視而進之藥者歷數旬而哀毀死矣思陵即阼朝士上聞于獄以是海內稱爲孝子大學士同里錢公士升序其集云子敬之志父存則不獨死父死則不獨生是誠孝子之知已矣當甲子秋忠節掌史垣以激濁揚清爲已任天下仰望太平子敬獨私憂之歎曰無根之草其能久乎物不可以終通六台監奪人之毒而速之感也未甚而禍作人服其識

明詩綜卷六十七

猛虎行

北山有猛虎不牝亦不牡哀哀無辜人吞噬十而九猛
虎且勿道蟲乃伏其尻壯士困顛躓蟲喙紛相撓爲語
行路人且復忍此蟲撲蟲誤驚虎滅影苦無術虎頭置
短枕虎皮罩塵埃猛虎有死日蟲乎何有哉

長水怨 爲友人
妾賦

妾家住長水長水東西流青青湖畔柳迢迢湖上樓十
三學釵書十四工篋篋十五臨牕繡精妙世無儔翩翩
少年子窈窕行相求借問樓上女可似羅敷不里嫗前
致辭願君且淹留美人好顏色終日樓上頭兼之臨牕
繡精妙世無儔君子謬垂盼聞言中心喜語我長者行

同聲謂應爾郎君美風度玉樹蒹葭倚十九渡長江聲
名若江水好花不獨榮天生合連理行行隨君去默默
思故里牽帷幾回喚低眉羞欲死臨鏡貼花鈿可憐體
無比紗牕春日午脈脈情何已憶我在家時拈香繡大
士金刀翦素綾瑩瑩白於紙刺成蓮花葉彷彿香風吹
香風吹入夢夢到蓮花池繡痕細難識但覺生蛾眉靜
玩坐逾久忽忽心自疑似曾親見佛不知身是誰綾額
尚餘尺皚皚冰雪姿淡濡碧玉毫邀郎爲題詩郎書擬
右軍妾心亦委婉鍼鋒與筆意曲折隨郎轉繡罷持似
君秀色堪舒卷顧我每微笑妾顏先自靦落地爲女子
可憐側室難陡然一回想心事慘不歡雖復蒙君憐鮫

綃恒不乾大婦貴家女妾身臧獲看上堂伺音聲下堂
候顏色含羞入空房惻惻潛相憶雖然潛相憶無用長
太息誠得君子懽不怨長離隔大婦奄逝世一家身獨
當漂蕩若浮萍隨君流四方南都復北都終歲長道旁
黃金散欲盡不思歸故鄉壯志在四海妾心暗悲傷君
怯不勝衣年來益憔悴十日九卧病奄奄滯旅次妾首
如飛蓬并日忘食事上無姑嫜親下無得力婢旋出又
旋入常恐呼不至憂勞填胸臆刺刺肝腸碎歲月漸消
耗妾身亦不支帶圍日趨緩空復存腰肢事君垂十載
不一生男兒羞佩宜男草悵然心中悲君嘗兩畜婢中
道旋棄之妾身非不容君自輕別離暮春三月盡束裝

謀南歸買舟僅如葉帷幕不得施長夜泊豐草巨蚊攢
水肌生小長閨閣辛苦實難為入秋弛行李儼人樓上
居小姑家海濱聞之亦來依雖非久居計氣息聊得舒
良人忽生心娶婦支門閨隨珠飾翠幃黃金飾綺疏紅
羅複斗帳寶馬七香車今日媒妁來東鄰有美姝明日
媒妁來西家有西施妾身匪木石焉得不孤悽對鏡影
如削安敢生言辭禮數任頡頏難比先孃時新人入門
來灼灼豔威儀二九頗不足二八頗有餘女伴覩鸞幃
嘖嘖相嗟咨君心愛幸絕迴與舊人殊非必顏色殊新
舊自相渝新人哭亦妍舊人笑不如孤房過慰藉眇昧
聊斯須情知心不存詞說空爾為新昏浹旬日忽作南

都遊俗語莫空房挽衣不能留新人暫歸寧登車去由
由妾身姊為母同君亦登舟耳縮雙明月墮髻垂金塗
飄飄蕩湘裙色如安石榴輕盈作纖步翩若雲端游鄰
女相擁簇朱顏自生羞十年方得歸一喜還一愁顧君
色悽慘何用心恻恻莫非眷新昏懷此離索憂千喚不
一答默默自低頭舟行到長水妾自還家裏親戚往邀
君君固不肯起詰朝云解維舟中須盤桓勿用再往返
各使中心安恐君塗上寒幅巾裁合歡恐君塗上飢烘
栗盈朱盤木落霜露急勿使衣裳單千語囑奚兒勸君
幸加餐平明奚兒至顏色驟驚顫向前往叩問淚流先
被面郎君乞致辭此生勿相見十年恩愛深謝卿重依

戀奈卿久專妒會見中情變不如痛割絕免使腸輪轉
妾身得聞之狂頓摧心肝天乎我何辜天乎真無端雖
在夢魂中不料遭弃捐恨無晨風翼迅駛追君船淚珠
千萬斛那得飛君前牽衣一慟哭身死妾亦甘縱然被
驅遣曷不先一言一去永決絕何處鳴煩冤自從入君門
歷今垂十年雖彼雞與犬亦當念周旋如何鐵石人一
絕弗復憐椎胸血嘔委身赴清水骨肉痛如割鼯勉
相救止姊恩父母深我生不如死尚冀南都還重來過
吾里性行吾熟知茲望殆已矣昔年別兩妾我淚揮不
止誰料行及身苦境苦如此嗚呼倉浪天茲恨何日已
新人入我門繡帷長日垂依稀觀容貌猶未通言詞臨

行詳睇視恰在登車時蚤知生死隔揮淚一致辭念與
小姑別淚落如連珠妾初進門來小姑九歲餘探懷索
果餌髮亂呼我梳今來已成婦骨肉情依依長別不一
語腸斷當何如我有兩丫鬟事我五六年大者髮覆額
小者亦比肩晨興聽呼喚夜深候我眠而今永隔別涕
泗紛潺湲平時解思我料爾當亦然掩淚入房來牕前
見鍼帖殘絲與剩綫寸寸皆儂血向日入君目從今長
斷絕委婉隨郎心郎心太曲折忽見大士像不覺淚洩
沱稽首乞慈悲妾身竟如何今生無罪過宿生愆怨多
妾得轉君心春風被女蘿君心終不回不如赴長河稽
首乞慈悲再拜涕漣漣不望重聚首但願相見時雨落

不上天一見知何期婦人失夫心百念無可爲但願新人歡爲君生男兒更念孱弱身疾苦不相離舊人識君性新人安得知十年守窮賤心事多苦悲願君振高翻及時凌風飛妾身長已矣相見知何期一字一嗚咽行道皆酸悽

朱近修云源出孔雀東南飛作而不盡規樞字句才氣無前

擬古 三首

游思隨飄風遠歷杜陵道道旁合歡花悉成斷腸草紅顏不堪駐妾愁君亦老爲樂逮良辰歸來何不早人生數離別百年非壽考擾忙風塵中榮名詎爲寶所思不可見彈古相思曲曲中竟何言理短情自促野卉非不香采之徒躑躅今日白頭吟昨日黃金屋

明詩綜卷五十一

五

誰爲不死人懷此終日憂來日當大難今日且行游行須及時古語恒如茲口爾身不然留爲他人嗤今古更相笑游者無還期

和陶 六首

偶步短檐下淡雲如遠山變幻斯須間玩之欲忘言柳青菊花黃樂飢以長年優游苟能爾奚用百世傳

志士有奇懷何爲翳我情吾身如聚沫所寶非榮名但問寓世間何以了一生秋風隕枯葉慄慄心自驚時哉不我待淹畱欲何成

夕陽在高柳黃葉依風飛我心匪傷秋不覺心獨悲慷慨向前行動念多所依長道眇無吟究竟將安歸中夜

發長嘯一嘯百念衰但得此中樂百年願無違
鄰家有新竹日夕百鳥喧更有古梅花植我西北偏
啓牕與相向幽幽同空山朝看樵豎來暮看樵豎還似得
古人趣有意未敢言

忽忽有所思乃在天一隅豈敢憚修阻去去登前途
騷裹猶不疾揮鞭冀長驅向謂萬里長萬里更有餘一朝
悟馳逐轉盼歸其居

問余何所好所好在六經不作亦不述好古未有成笑
彼百家言夏夏何紛更屏去勿復覽閉門書黃庭滴露
小牕前好鳥向我鳴此際意無限默默緘我情

讀史 三首

明詩綜卷五十七

六

魯仲連

鄙夫寧一身身外匪所計有如魏帝秦何與魯連事先
生獨個儻慷慨決大義白日走秦兵誠哉天下士

荆軻

蕭蕭易水波日晏客未至十三死灰兒勉強共大計坐
中擊筑人何不克秦使田光死也饑於期死也贊空死
一無酬烈士喪英氣願逐酒人游哭盡不平事

諸葛亮

受託誠不易知人良獨難南陽比子房誰爲鄴與韓將
相兼簿書心中多苦酸十出九空歸一身亦凋殘爲君
歌梁父中夜發長歎

九日同嚴知章澹如兄弟遊茶磨山

我來松陵尋好友到門恰值九月九主人大笑攜上船
船頭載花腹載酒舟子勸上姑蘇臺衆客首肯我獨否
青山宜作生面觀耳目熟爛妍亦醜但問誰家富修竹
我船便纜堤上柳布帆直指吳山陞起覽奇蹟竟何有
洞庭縹緲波雲沉彷彿頑沙卧千畝細雨斜侵濕布袍
放船倒出蓮花淒上方樹杪插浮圖石湖湖光照戶牖
隔林前度茶磨山共約聽歌到申酉驟觀山石勢頗仄
愁無平壤安杯斝斯須簫管咽流雲画船別駐清溪口
蘆花楓葉舞涼風豈必美人垂素手同來伴侶大叫絕
私喜茲懼良不苟寒蒲縛蟹一十輩烏巾注酒七八斗

明詩繪卷六十七

七

酒酣不厭觴令酷衆人或辭我輒受推牕更問噎與晴
皎月若出當坐守

茅簷雜詩

只在塵寰內居然徑獨迂此君疎類我石丈老於儒候
雨迎鳩婦栽花雜鼠姑客來深自慰知有濁醪無

王屋九首

屋字孝時初名皖字蘭九嘉善人有學可齋詩

箋

魏禹平云山人詩著法
磊落不作嗚嗚細響

詩話孝時以詩受知魏忠節因與忠節一門羣從和酬詩類劉改之詞
學辛幼安嘗過同里曹學士齋學士曰先生尚能著屐遠步邪應曰有
太史公不可無牛馬
走鄉里傳爲新語

秋風辭

秋風秋風汝何殺我芙蓉摧我梧桐桐折子芙蓉死
鳳鳥安棲子鷓鴣安宮鷓鴣逝兮文章隱鳳鳥不至子
吾道窮夫誰使我至此極孰非爾朝夕之秋風

子夜歌

三首

千金買良玉百金求良工爲儂作雙環相連無始終
妾身妾自惜君心君自知莫將日後情不如初見時
家有千黃金不如得郎心家有千倉穀不如抱郎宿

陌上桑

可憐陌上桑朝看沃若暮萎黃餵蠶不了餵牛羊

春日過聞溪贈別許清機

我適後君來君復先我去人生如飄蓬能得幾回聚君

明詩歸卷六十一

八

今別我歸何處直到錢塘江口住江水江雲日日流相
思時倚江頭樹

辛酉端陽日

午節今朝是開尊召酒徒趁晴刪艾葉冒雨翦菖蒲重
碧杯中滿輕黃額上塗醉憐雙鬢短還插健人符

送黃海歸新安

清秋客子歎歸歎載酒題詩一送渠細雨亂山遮汝去
淒風落葉對誰居江村處處休黃犢野店家家賣白魚
見說雅懷多不減每逢佳勝輒停車

題黃大癡橫幅山水

絕壁長松倒影低寺門殘日響迴溪老身意想如曾到

八月廬山拂水西

陸寶

十五首

寶字敬身鄞縣人官內閣中書有霜鏡集

曹能始
云中翰

詩道遠容與蟬蛻塵埃之外 王伯穀云敬身詩篇麗逸讀之惟恐其盡 屠田叔云敬身古詩敦厚得江謝門風近體深沉具高岑家法 詩話敬身近體好用語助辭不無狃於公安景陵之習然其才氣奔逸 勝葛震甫陳仲醇且十倍近李處士果堂贊甫上著舊詩凡四百三十 人三千餘首自謂投隱獲奇而敬身曾與余太常君房 屠儀部縛真楊處士伯翼識面卜鄰者乃獨遺之何與

五雜俎

五雜俎綺千箱往復來輦金忙不得已獻大璫

怨歌行

天胡以不五風十雨而旱潦螟賊歲靡有寧人胡以不披襟吐哺而爪牙毒螫立意相傾世胡以不解繩錯象而戈矛荆棘日尋戰爭怨歌行此怨何時平

明詩綜卷六十七

九

相公來

相公來合軍驚千夫執殳除道郊迎相公下車命長揖口雖不言心內泣伍符尺籍新有名鶴入雞羣從自及昔時上直何壯哉呵聲百口迅如雷行者止立坐者起沙堤如拭大車來一朝禍至棲叢棘不賜屬鏤猶主德卓帽騎驢出國門東海東頭聊假息秋高汛撤閤歸船手挈行囊只半肩富貴如雲真大夢胡椒鍾乳在誰邊

春雨

吾廬不厭晴吾田不厭雨禾焦恒苦飢屋漏卒難補人心安有極天意竟誰主敢以一人私而忘四郊苦雨亦

恤民間涇涇注環堵待旦問田家立苗青可數歡然荷
鍤歸兩稅登天府

大水

瀕湖盈百堵積潦失寧居舟反高于屋人誰免作魚撈
萍迷曲巷望柳認前除正及西成日憂深糞食餘

光宗皇帝挽歌

二首

辨色初勤政龍樓御蹕臨禹謨咨益稷殷祚促丁壬禁
雪沾衣白宮池染淚深他年青史上從諫識天心
喪車蘭殿出隧道柏城通七月期方至元年曆未終仙
遊無棄屣臣節有號弓嗣聖鴻猷在河山豈盡空

周斗文自易水歸縱談燕太子及荆高遺事慨然

明詩綜卷六十一

十一

賦此

每讀燕丹傳長悲易水遙聽君談往事風起復蕭蕭

庚午元日

官廚柏酒泛紅霞烽戍初停聚飲謹遙祝萬年天子壽
小臣九十日看花

行嘉善道中夜宿朱涇

春潮覆草半江青長水分塗客未經少理蠶絲多織布
百家烟火倚朱涇

齋居

二首

層層樓榭枕松關每到花時獨不閒酒榼茶罇人去後
牕前一幅米家山

浴蘭初罷振纖桂竹枕桃笙手自攜避熱不教人點燭
滿樓涼月照登梯

送人之秦川

水鳥低飛狎棹歌木蘭雙槳送凌波浣紗人在中流見
錯認前山作芋蘿

湖上

承恩坊裏綠楊烟翠幄朱樓大道邊誰似儂家湖口住
當門人上木蘭船

廣陵懷古

茱萸灣接古邗溝白塔河分上下流疏鑿當時有深意
徒勞關吏日持籌

明詩綜卷五十一

趙宦光

一首

宦光字凡夫吳人有寒山雜著

詩話凡夫以篆書名略用草書體書之號曰草篆紺圓珠觀精舍名圖
咸乞其書題扁所撰說文長箋一時紙貴然自解人觀之未有不滿冷
也古之小學書數方名字或不正童子皆知之自周秦及漢無不識字
之學生其後大小二篆生八分三真六草諸體雜出古法未盡亡者賴
有許叔重說文一編自一至亥本之倉頡造字以四聲說文亡矣顧野
王玉篇其文多於叔重孫強又增益之迨題以大廣益而玉篇亦亡矣
蓋書之最古者莫如篆學野王雜以隸書已失其舊李陽冰刊定說文
頗出私意詆訶許氏學者已恨之凡夫草篆其又何所本乎世人一遵
歐蒼朱子之說以灑埽應對進退爲小學書數方名篆置不講無怪乎
小學放絕篆法日微可歎也已凡夫健於財卜築城西寒山之麓洵洗
泥沙俾山骨畢露高下泉流凡游於吳者靡
不造廬談讌廣爲樂方特於韻語遜其鄉里

登華山

鳥道縈紆上深林幾折盤支公此銷夏五月晚猶寒

朱鷺

四首

鷺初名家棟字白民吳人有青浮子顛籟

詩話白民負奇嘗獨游黃山遠尋萬華所至画竹以自給家居撰建文書法擬思進呈請復革除紀年不果蒙積初騎驢入都上所作甘露頌又不果歸結茅於郡西華山蓮子峰下躬親井臼不願見貴人年八十餘乃卒是時隱居者在公芥菴趙宦光凡夫時稱吳下三高而敦古文肅特志其墓

自君之出矣

自君之出矣春去勞我思春去明年來君來定幾時

二龍見

感東宮議立未定

一龍蒼一龍黃黃者不可以爲蒼蒼者不可以爲黃

過曹氏園值玉蘭盛開

花光何璀璨八牕搖一色春風過酒人忻與花相直

謁采石磯李白祠沽酒不得

明詩綜卷六十七

十三

先生邀月飲江邊此月年來夜夜懸我念先生對今月恨無一斗醉祠前

徐弘澤一首

弘澤字潤卿號春門嘉興處士有竹浪齋集

李君

實云隱君詩喜白香山陸放翁流利清越不爲鈞棘索隱陳仲醇云隱君詩清具流便雅類元白

題画贈李尚寶

風卷長蘆晚雲開積水明沙邊雙白鳥逐我釣船行

周應儀

五首

應儀字元度吳江人光祿寺署丞有南北游草

詩話元度絕句小詩極其纏綿溫麗

爛溪

二首

明月溪邊路秋風溪上船
船頭何所有滿把水中蓮
我家爛溪邊出門即溪水
秋水來溪水深處處菱歌起

夏日

風荻蕭蕭日欲斜
水邨無處不荷花
遙看白鷺忽飛去
占斷柳陰一片沙

夏季風雨大作

急雨斜風百尺樓
樓頭殘暑一時收
而今炎景成蕭瑟
零落荷花十里秋

聞歌

桃花扇底落紛紛
宛轉清歌一曲聞
醉殺文園渴司馬
酒壚斜盼卓文君

明詩綜卷六十七

十三

張大復一首

大復字元長吳人有梅花草堂集

少年行

連錢細馬繡纏鬣
翻鐙歇鞍踏曉風
鞭指綠楊深樹裏
誰家小袖杏衫紅

王履和一首

履和字仲美邢臺人

驄馬行

紀乙丑林侍御事

貂璫行驄馬鳴緹綺
至驄馬避驄馬欲鳴聲
不長君不見昨日新殺屯田郎

祝守範

三首

守範字更生海寧人有非非集
堯堯草枕中樹
岳聖室停雲諸稟

雨中過郭四葑畦別墅和王二仲皋韻

隙地新栽竹清陰覆短牆探幽停客舫引興雜飛觴暮
雨沾花徑春流到草堂物情渾可適機事久相忘

哭姑徐孺人訃自蜀中

萬里勞行役經年苦未安風塵多躑躅蘭蕙忽凋殘旅
櫬荆門遠歸魂蜀道難空餘游子淚泣涕滿江干

急雨

野曠雲垂黑山高雨驟昏鳥飛不過樹入急欲投郵暑
氣清疎簟涼颺度晚軒客心愁襪襪賴此滌塵煩

明詩綜卷二十七

十四

馮嘉言一首

嘉言字國華慈谿人天啓初諸生有十菊山人
詩集

月夜舟行

薄暝南川路相攜上釣舟江風鳴遠樹野水映危樓濁
酒高歌處征帆古渡頭月明動幽興擬作五湖游

顧猷 三首

猷字若昔嘉興人有桃花里集

出塞

漢將當年此望鄉高臺雲物自茫茫羌笳漫引孤城月
金柝旋催子夜霜木落五原秋色淨草枯千磧暮烟黃

材官朔漠聞廉李烽火年來總不防

秋夜泊謝邨

水上人家半掩門寒鴉棲盡欲黃昏孤舟夜泊依紅樹
記得唐人詠謝邨

西湖夜別葉環中

水落西陵日已斜濃烟疎柳半藏鴉相逢莫謾輕相別
燈火湖頭是酒家

張志遠 三首

志遠字叔明嘉興人有竹嶼吟藁

詩話叔明隱於市廛許爲李九疑太僕所賞句如沙崩樵徑澗水
關野橋荒香吹新竹粉翠惜小荷錢太僕稱其清淳穩順不誣也

擬古

明詩綜卷六十七

十五

七雄事紛爭嬴秦獨虎視阿房亘長衢轉眼成荒壘從
橫一何深翻爲逐鹿始豈若魯仲連千古名不死偉哉
達士心榮華安足齒

集慶寺作

參差紅樹倚晴空柳栗行吟度晚風忽憶翠華臨幸處
滿山黃葉寺門東

泛月

烟雨微茫水國秋暮霞飛盡月當樓誰家短笛續長笛
吹墮微霜上客舟

殷仲春 二首

仲春字方叔秀水人有棲老堂集

詩話方叔躬耕永樂南鄉陳仲醇贈詩却羨白頭殷處士鶴鳴聲裏獨耕田是也家居社南諸弟分處郭西之竹橋方叔葺橋茅屋不蔽風雪
耕王績爲人亦自號求臬子以醫爲業得錢得入市買斷闌書讀之念
浮屠道士之撰述皆編入誠乃盡收醫書者錄號爲醫藏黃家以爲
總龜焉方叔以天啟
辛酉仲醇志其墓

湖上岡

桑柘隱斜日獨登湖上岡誰人攜小榼載酒出菰蔣

仲夏同仲醇子逸伯承秋潭汎舟城西

兩槳夷猶風幔低湖流清淺荻蘆齊相將迎入烟波去
晚泊竹橋西更西

陳元素

一首

元素字古白長洲學生

贈錦衣衛經歷白超宗

明詩綜卷六十一

其

參軍也得謁金門莫憾官卑獄吏尊彭澤先生新令尹
參軍以彭澤令調
香山居士老聞孫衣歸質庫仍留客印閣閒牀
且校文冷署久淹殊不惡請看三載著書存

黃光昇

一首

光昇字義輪吳江人國子監生有破甕集

懷許受先

玄符綠字細能分家學須知有說文此去橋門摹十鼓
籀書難讀益思君

陸嘉穎

二首

嘉穎字子垂蘇州嘉定人天啓中官主簿有硯

隱集

望君山

木葉下蕭蕭山容更寂寥浮天江縣小隔樹海門遙帝
子何由降騷人不可招無心貪利涉來往信漁樵

如皋道中

滿目桑麻雨露稠白花籬落遶清流家家魚畧邨邨酒
絕勝淮南十一州

吳道一首

道字實儒吳江人有山響齋詩草

一室

海內誠多故先生一室寬敢期花爛熳粗喜竹平安曝
背晨曦煖推牕夜月寒遠游無勝具四壁有烟巒

明詩繪卷六十七

七

周楨一首

楨字伯知吳江人有不夜齋詩彙

詩話伯知性最緩嘗與其弟同舟宿有偷兒扶牕入竊其篋伯知審視
不語比其弟覺訶之偷兒踉蹌出伯知徐曰吾欲靜觀其如何脫身奈
何使彼狼狽而返鄉人傳以為笑其
詩流便而乏警策由其懶於推敲也

寄季華弟讀書石湖草堂

青山遙入夢詩寄別愁生雨過添秋色雲開驗晚晴藤
花鋪地滿澗水入池平轉憶湖邊好中宵月倍明

陳衍四首

衍字磐生閩縣人有大江集

詩話磐生與徐興公同入曹能始闍風樓詩社而賦才儒鈍光
鐵鬱而不舒其自序比於春草蔓生秋蟲孤響良亦自得之言

善才岫夜坐

江烟吐寒燄倒映星河明潮回石勢險孤岫西南傾扶
筇倚危坐仰攀崖樹橫夜色一何曠波濤良未平奈何
羈塵鞅促促浮此生吾愛鄭子真谷口田可耕

送潘子木

送客上高樓樓高望客舟但見帆檣立不見客回頭始
知登遠道兩情難自保

聽泉閣早起

山曉天氣肅衆星望已空殘雨戀宿雲猶在寒巖東物
象紛勞役明晦互有窮瓊瑤石上泉日夜流無終

十不願辭

不願化天上月那得盈盈長不缺一不願化天上星白

明詩綜卷六十七

六

日一照不分明二不願化土中石受人踐踏無人惜三

不願化水中灘十步上來九步難四不願化牕前鏡十

日不磨光不瑩五不願化沉水香煎熬燒灼心摧傷六

不願化郎馬鞭下馬將他壁後懸七不願化白紈扇顛

倒要他遮郎面八不願化錦鴛鴦未必雌雄守得長九

不願化楊柳花隨風飄蕩落誰家十

吳為霖一首

為霖字景傳無錫人有白賁集

詩話景傳詩如集場墟市骨董
斑駁陸離即而視之一錢不值

客自澄江歸有贈

浮遠堂前路微風穩放舟江昏茶磨雨烟暝弩臺秋入

饌花雞脆開封綠蟻浮西塘十八里來往候潮頭

詩話浮遠堂在君山宋紹興中建淳熙間李鶴田珏為江陰司法題柱聯云此水自當兵十萬昔人曾有家三千羅春伯點題名云淳熙丁未九月既望同侯叔平等九人登君山夕陽在波帆影散亂平淮千里去屬無極蒼然暮色自遠而至須臾月出東山之上江水湛然風露清美不知在人間世也

吳一元一首

一元字堯聞宣城諸生

冬望

野爨孤烟起灘舟一水膠深林餘敗葉高樹見危巢地僻無行騎家貧驗素交年年玄草在誰解子雲嘲

戈金湯一首

金湯字帶如平湖人用泰子

明詩歸卷六十七

九

郊游

雨過青山碧四圍春風輕颺百花飛極知良會非容易
馬上何妨酌酹歸

麻三雍一首

三雍字仲雍宣城諸生

自平陽還襄陵道中聞蛙作

三月三日試春衣千山萬山花亂飛行人何處覓相識
啼鳥有時催早歸日漸衝山鞭影急烟初迷樹水光微
草深陣陣喧蛙鼓鵝鴨軍聲似也非

張丑一首

丑字青父長洲人

詩話青父精於鑿古所撰清河書回舫真蹟日錄
時人比之黃伯思周公瑾詩草無傳亦有節度

墨皇齋即事

用拙經營少居閒興趣長
閱書宗海岳展画得瀟湘
玩世歌漁父陶情付索郎
向平昏嫁畢白首杖桄榔

陳士鵠一首

士鵠字季方秀水人有鍛齋集

秋光好

何處秋光好秋光在狹斜
碧添螺上黛黃入鬢邊
花蓄意纏頭錦輕寒繫臂紗
江州何必怨任爾聽琵琶

王彥泓 十八首

彥泓字次回金壇人

儒學

有疑雨集

明詩綜卷六十七

辛

詩話風懷之作段柯古紅樓集不可得見矣存者玉溪生取擅場韓冬
絕次之由其誠情不露用事豔逸造語新柔令讀之者喚奈何所以擅
絕也後之爲豔體者言之惟恐不盡詩焉得工故必琴瑟鐘鼓之樂少
而錦寐及側之情多然後可以追韓軼李金沙沙二次回結撰深得唐人
遺意起句如雨下春泥月下霜幾年辛苦是蕭郎一層芳樹一層樓只
隔歡娛不隔愁月到西南倚可憐照人雙笑影娟娟中盡如燒燈院落
更衣影聽曲簾櫳點屐聲當初話笑渾閒事向後思量難尋路隔烟臨水
衣凭雪鴻玉箏絃索見春蔥明明可愛人如月漠漠難尋路隔烟臨水
佛像前同下拜泥金經尾獨舍名合毫愛學簪花格展画懸看出浴圖
花下小樓堆燭淚柳邊低舫戴茶烟翻成錦譜傳人画會得琴心允塞
挑燈下有時思夢笑燈前長不即頭眠結句如水國不生紅豆予贈君
何物助相思殘陽欲度梅梢盡纔向紅腮拂鏡奩蠟照漸微香地冷瓊
聲繞達画堂東闌干一曲無多地才著思量便渺然仙家合柱烟霞外
金屋藏渠也不堪今日席間誰認得舊時家今沈休文分明蠟燭身相
似纔上歡筵淚已零一生長羨金泥蝶頭向奴邊與鏡邊皆鏡風韻舖
似感心嬌目

回腸蕩氣

寄懷菽仲秣陵并促歸騎

春光漂蕩別離天心似游絲
百尺牽見說人歸歸鴈後

那堪淚落落花前南都翠黛宜爲史北里紅箋定幾篇
爭似碧牕銀燭夜月痕依約話纏絲

寄懷端已白門

客懷難耐日初長馬影斜陽踏幾坊花下玉杯嘗苦筍
燈前銀葉試甜香

皆南朝風物

愁來但禱清溪廟醉後無忘紫

佩囊爲覓繡鞵金縷樣倒提纖手學南唐

逋客叔菊筵

幾拍吳歛日漸曛後堂香發卷簾聞登牆雪貌東家子
映燭明姿左阿君花氣與人渾不辨竹聲如肉驟難分
分明玉樹尊前坐知是何人夢裏雲

無聊

明詩綜卷六十一

十一

把書移枕近牀稜歎息觀濤病未能怯暑心情猶喘月
背時風調獨懷水無勞天女持花散有媿高人選藥稱
肯過小樓言笑否不嫌同上第三層

用陶弘景事

城樓暝望

魚鱗波面夕陽微旋見遊船續續歸酒後笙歌催急拍
城根燈火喚開扉孤楊傍水疑人立病葉零風似蝶飛
明旦出游晴得否月輪添暈幾重圍

無題

三首

花繞迴廊曲繞梁暗中偏認杜蘭香登樓未定銀翹顛
避燭難禁鳳屨狂怕見月痕催月姊恰宜秋色對秋孃
持裙半刻留仙住纔隔紅簾便渺茫

夜飲朝歌晝未眠，輕狂全是倚嬾憐。妮他細語挑鍼綫，
替我悲愁肄管絃。夜月不移歡枕畔，借用不夜珠華春山長坐酒
壚前。何當羨玉親磨墨，立到琉璃硯匣邊。

怯上蘭舟細步來，笑看波影按金釵。陳王著眼先羅襪，
溫尉關心到錦鞵。把酒熨衣容旋學，摘花烹茗任頻差。
船嬾爲近牕紗泊，免踏前門月露街。

有贈

秋風長簾恨，三年續命曾聞喚。小憐已向綠珠稱弟子，
儻容張碩伴神仙。筵前笑顧櫻桃擲，燭下偷分茉莉穿。
端似悼亡唐後主，見伊枝葉又情牽。

代所思別後

阿姚

相逢羞澀怕猜嫌，別去那知悵恨添。獨對鏡奩空怏怏，
乍拈鍼翦復慊慊。夢魂弱絮從風亂，心緒繁花被雨霑。
悔不暫留歡且住，未妨長隔一重簾。

續遊

嚴城間阻夢魂通，小市門東更向東。翦燭寄書書草草，
背燈彈淚去悠悠。花繁竹暗應迷路，蝶趁鶯梢有便風。
梅蕊膽餅看漸減，每朝分插到釵叢。

賦得別夢依依到謝家

名花偏作隔牆枝，愛影憐聲入手遲。門第敢言非道蘊，
才情端喜是芳姿。桃邊未許裙題字，子敬事柳下曾將帶乞
詩。今日眼波微動處，半通商略半矜持。

左卿阿鎖

玉淨花明秀出羣左家重見舊時芬因披樂府吟嬌女
便上藩車訪阿君見陳素豔乍看疑是月清歡何暇想爲
雲那禁手炷熏籠罷笑遣蕭郎覆画裙

追和唐女冠魚玄機十二韻

閨門文采羨玄耽更有青溪妹第三生小不闢青瑣閣
家常希換白單衫釵梁風定蟲猶顫裙衩花深蝶競銜
雅謔引經推鄭婢狂詩送抱想吳男紅兒詩裏歡兼恨
素女圖前笑帶慙想見隔屏聲砑砑似聞昵枕訴誦誦
加餐意託琉璃匕寄札愁憑瑤瑁篆古詩何計通音
信蓮花瑤瑁篆豈有鵲
頭能助憶願爲雞舌與君含遙猜蹤影心先妒未接言

明詩綜卷之七

三

辭性已諳體自生香防姊覺者能爲語任郎參髮光可
鑑千盤滑脣味如飴一嚙甘記得那時偷近處唾絨紅
點碧牕南

寒詞

三首

從來國色玉光寒晝視常疑月下看况復此宵兼雪月
白衣裳凭赤闌干

夜迢迢更路迢迢澹月飄燈自過橋想得阿嬌燃燭待
也應初換第三條

牕樓映日滿樓明雪豔初臨曉鏡清良久自看還獨笑
不防身畔立卿卿

過婦家有感

歸寧去日淚痕濃鎖却妝樓第二重空剩一行遺墨在
丙寅十月十三封

王清臣 一首

清臣穎州人

王貽上云天啓初穎川張遠度買田穎南地多桃花林一日攜榼獨游見耕而歌者聽之所歌皆杜詩也

遂呼與語自言王姓清臣名舊有田畏徭役盡委諸族為人慵耕速度過其廬見舊曆紙皆以煤書所作詩其一篇云云

述懷

人生如泛梗飄飄殊無根飲啄得幾許營營晨與昏對
此春日好荷鋤出南原近觀草色敷靜聽鳥語繁有身
貴適意窮達安足論

明詩綜卷六十七

明詩綜卷六十七

音

負齋黃龍齋受又論



杭州圖書

入半成三縣賦願春無賦為春詩其一篇云云

正齊五

丙寅十月十三封

明詩綜卷六十八

小長蘆 朱彝尊 錄

休陽 吳元鋹 緝評

張采 一首

采字受先太倉州人崇禎戊辰進士除臨川知

縣升補禮部主事

靜志居詩話婁東二張卿主復社盟書吉士身復詔求遺書通邑大都家守其學儀部名雖少遜然里門作志留都議禮考文徵獻比於吉士

九日同子常東郊即事

郊行尋野勝秋遠菊花天溝曲初移逕溪深好放船冷

楓當岸落高柳隔籬穿試共登樓望寒城起暮烟

明詩綜卷六十八

周鏞 一首

鏞字仲馭金壇人崇禎戊辰進士授南京戶部

主事轉禮部郎中削籍尋起禮部員外郎為阮

大鍼所殺有十四哀詩

詩話仲馭以鈞黨受禍與雷金事續祚同繫請室於時御史王懋阿阮大鍼意上疏請斬二人既而懋吉服承旨入獄續祚謂仲馭曰王懋能斷我首邪答曰不斷我首吉服何為乃各作家書託又五書先帝遺臣四字於腹遂雉經死命家人勿葬仿伍子胥扶日遺意置棺兩花臺未浹月而留都不守矣方大鍼得志思盡殺東林復社諸人及僧大悲獄起與張御史孫振謀倡十八羅漢五十三卷七十二菩薩之日希附諸異已者因馬輔士英不欲而止士英有詩云蘇莧才名千古絕陽臺歌舞世無多若使當年不相妒也應快殺實連波蓋以蕙擬劉副相宗周而以陽臺喻大鍼也

孝子魏君學泮

有鳥栖中林夜半巢忽覆兩羽既傾折遺雛寧復覈嗟

哉魏公子痛父無能救
乞食向長安知交孰肯
觀投書數千言聽之耳如
褻世路已如斯呼天但
搔首扶櫬江南歸墓
殉日相守父存不敢先
父沒不敢後含涕入下
泉一死良無疚

呂大器 三首

大器字先自遂寧人崇禎戊辰進士除行人歷
兵部左侍郎甲申以吏部左侍郎回里有集

詩話呂公驅馳南北盡瘁行聞五言如野寺依巖立官衙衝水開孤燈
寒殿壁落月映山城土薄蟬吟屋林疎月上崖野狐衝馬立山鬼伺人
驕精衛悲街土鷄鳴啼滿山雲烟春尚在烽火晝相連淚盡銅駝
棘歌殘玉樹花豈無丹關戀終抱白雲思忠孝之誠溢於言表

閒居

好山當面出旭日敞幽軒煨芋聊充飯烹泉不問源譚

明詩綜卷六八

二

玄藏史李學稼小人樊數得林間趣花開鳥亦言

晚次江門

世事何年定江皋且振衣樹紅橙子熟濤白鯉魚肥獨
鳥衝烟去殘霞壓岸飛邨醪無處得空對月光輝

落索河有感

百折波濤險一泓山澗清天高雲黯淡巖老石崢嶸古
洞都成穴諸峰盡築城版圖猶蜀界風土半秦聲杜宇
啼方歇銅駝歎未傾旌幢連赤縣烽火到神京發婦徒
存恤羣臣孰請纓傷予才略淺深媿李西平

姚思孝 一首

思孝字永言江都人崇禎戊辰進士改庶吉士

授戶科給事中歷兵工二科謫江西布政司照磨稍遷南國子助教升南太僕寺丞轉光祿少卿再轉大理少卿

康山

康山一簣草萋萋無復豪華似澁西猶有揚州舊時月翠禽飛上玉梅啼

葛徵奇

三首

徵奇字無奇海寧人崇禎戊辰進士除中書舍人選授湖廣道御史升太僕寺卿轉光祿卿有

蕪園集

詩話光祿樂志林園又得聞人唱和格雖未高亦自超超拔俗

明詩綜卷六十八

三

晚眺隅園

三月十日雨薄霧花濛濛小大澗壑鳴百道源相通潭魚躍新水園竹抽春叢禽鳥忽變聲迺知天氣融登高一以眺澄覽衆慮空玄理羣所貴耳目悅且克於焉坐垂釣自擬滄浪翁

武林留別吳梅里

昨喜逢初地蘭缸夜雨紅故人相爾汝今日又西東楓落前山樹蘋開別墅風小牕涼月靜客夢與誰同

題画芙蓉

秋來烟水多蘆葦渺難即愛此江上花日坐雙鷗鷺

冒起宗

一首

起宗字宗起如皋人崇禎戊辰進士除行人升
南京吏部主事歷郎中出爲山東按察僉事遷
湖廣布政參議

同年朱泰符過訪衡陽余已適發襄州矣吾兩人
同一不偶乎

秋老蒸江獨鴈飛相思命駕重依依久拚歲月頭俱白
堪笑風塵事益非地主忽從交臂失天涯安得並舟歸
兼聞親舊多顯頽悵望鄉關淚幾揮

葉重華

一首

重華字德玄崑山人崇禎戊辰進士除工部主
事尋改禮部歷員外郎中出爲浙江布政司參

明詩綜卷六十八

四

議轉河南按察副使遷山東廣東參政

從軍行

吳鈞雪色滿天山血戰黃沙萬里還但願画图麟閣上
不須生入玉門關

吳載鰲

一首

載鰲字大車晉江籍宜黃人崇禎戊辰進士除
澄海知縣謫浙江按察司照磨升金華推官入
爲戶部主事歷員外郎中轉廣東按察副使改
授翰林院侍講

姜給諫以五羊石見貽賦謝

文饒平泉莊有石自言好何如初平羊眠雲嚙瑤草

李奇玉 三首

奇玉字元美嘉善人天啓壬戌會試中式崇禎
戊辰進士選武學教授遷國子博士歷南京工
部主事改兵部員外由郎中出知寧國府有雪
園遺草

潭柘寺讀書

讀書潭柘巔身在白雲裏開軒豁遠眸風瀑洗心耳古
木挂青蛇云是二龍子下方鐘磬餘僧寮各棲止山童
剔殘燈埽葉烹泉水闌然羣籟寂明月射牕几

過京口

蕭條書劍下關河芳草萋萋客裏過原上鶯花三月暮

明詩綜卷六十八

五

天涯愁病一身多海門帆影移青嶂山寺鐘聲到綠蘿
入望自知鄉國近那堪斜日聽漁歌

山居

方花礎潤氣氤氳靜對薰爐柏子焚夜半雨聲新水漲
枕邊流出一溪雲

顏俊彥 一首

俊彥字開美桐鄉人崇禎戊辰進士授廣州推
官被劾再補松江推官有

集

邨居雜興

病卧經旬滿面埃梅花落盡杏花開画梁無數空巢在
社雨蕭蕭燕不來

龔士驥一首

士驥字季良義烏人崇禎戊辰進士溧水知縣

惜取

惜取檐前葉休教落地輕夜牕留聽雨葉葉是秋聲

萬壽祺二首

壽祺字年少徐州人崇禎庚午舉人有隰西草

堂集

詩話年少多才多藝詩亦清逸無務目撮辦之狀

憶錢大

忽憶南徐道春風樓上年晚鶯移浦樹苦菜秀沙田驛
路歸人少蛟門落照懸如何問津者五載滯江船

明詩綜卷六

六

入沛宮

泗亭春盡樹婆娑漢帝宸游不再過魂魄有時還至沛
樓臺落日半臨河風吹大澤龍蛇近天入平沙鴈鷺多
我亦遠隨黃綺去東山重唱采芝歌

魏冲三首

冲字道用嘗熟人崇禎庚午舉人有小碎集

采蓮曲

北渚采菱歸前溪采蓮去無端墮玉釵記在迴舟處

元日

年年悲作客今日賦閒居春草生新夢山花滿舊廬
人書謝病示儉食從蔬問字吾何有無勞長者車

春晚

梅葉初齊梅子勻
新榆穉柳暗通津
春深莫惜餘花盡
却喜黃鸝不露身

陸

坦 二首

坦字履長蘇州嘉定人崇禎庚午舉人銓授南
豐知縣不赴隱居鄧尉山有庚除詩藁

和姚修民簡寄

世逐浮雲換身同
落葉輕難忘百年恨
誰殉一朝名去
國懷公子憂時過
賈生江皋無限淚
日暮不勝情

春夜雪

春雨聲聲入夢闌
暗牕風動曉燈殘
濕雲壓竹鳥驚墮

起看空階一片寒

明詩綜卷六六

七

徐柏齡

三首

柏齡字節之嘉興人崇禎庚午舉人署永嘉儒

學教諭

詩話孝廉湖海播遷
詩不猶人自出杼軸

春日

風聲起松末窈若萬壑深
誰謂市井喧遂無天地心
惜天桃花不言萎空林
明年縱復開顏色不如今

壽寧逢艾千子

白日黯無色城門掩半開
故人何地別間道此時來鄉
夢遠難寄官程近莫催
江關庾開府詞賦不勝哀

江心寺文信國祠

孤嶼浮江面寒潮撼石根遙遙箕尾外何處可招魂

張溥一首

溥字天如太倉州人崇禎辛未進士改庶吉士

有七錄齋集

陳卧子云天如忠愛誦孟門行可見一斑卒後而動聖主之思有以也

詩話天如知主復社以附東林聲應氣求龍集鳳會一言以為眉目旦海重其人倫書譽剝而百函實晝日以三接由是青衿胷子白蠟明經登李元禮之門不啻虬戶為柳伯鸞所識勝於荀金列郡人文一時風尚口談朝事安置漢書頭已露額之中足著踏跟之履和歌下里擁鼻東川俄而哲人其萎賤康成之妖夢天子有詔求司馬之遺書當論日與清流釀禍罔之變彈之於始阮大鍼厄之於終而邦國因之殄瘁矣

孟門行

雙絲繫玉環宛轉生光澤本以結同心何知反弃擲君家美酒琥珀光紅顏少年坐滿堂酒酣意氣不可當君

明詩綜卷八十八

八

家玉堂盛孟門孟門深谷無朝昏中有美人嘯且歌仁

義結客客自多相與醉君金叵羅黃雀銜環報舊主畏

君彈射遠飛去夜深孤淒城北樹

李舒章云得崔顥之神

吳太冲一首

太冲字默寘錢塘人崇禎辛未進士改庶吉士

授簡討升南京國子司業轉右中允有息心窩

詩集

陸永修云先生林下之詩勝於館閣

朱美之攜酒過

綠陰叢裏放玫瑰石几相延坐碧苔百里雙鉞春酒醞一年幾個故人來厨丁細切溪頭筍穉子貪爭屋角梅信道朱游能折鹿譚經且喜得相陪

姜 塚八首

塚宇如農萊陽人崇禎辛未進士除密雲知縣
改儀真入為禮部主事選授禮科給事中以言

事廷杖削籍戍宣城有敬亭集

黃九烟云先生詩發乎性情本乎忠孝名實交

乎纏綿盡致 錢幼光云先生詩大抵取

法於柴桑浣花其志同其調不覺其同也

詩話廷杖與東西廠錦衣衛鎮撫司獄用刑之酷前代未有自王振亂

政鞭撻朝士大臣有枷項者迨成化中江直用事廷杖臺省臣王濬李

俊等五十六人正德間以諫南巡杖舒芬黃鑒等百三十八人死者十一

人嘉靖初以爭大禮哭左順門杖豐熙等百三十四人死者十七人此

其最甚者矣萬曆六年論首輔張居正奪情杖趙用賢沈思孝鄒元標

等五人後定陵朝服建言諸臣疏多留中廷杖寢不用至天啓四年太

監王體完奉勅大爺復問其端重笞威臣李承恩以悅魏忠賢於是主

事萬燦御史吳松中相繼斃杖下而許顯純田爾耕輩類刑以逞備極

慘毒楊左諸君子之禍有不可言者矣思陵即降雪消見現用獄稍平

不意嘉魚熊公賢茅陽姜公論列栢臣時日輻輳逆鱗既觸天怒莫回

拷掠之慘洵九死而一生者蓋至栢臣自裁而兩公之荷戈終未見釋

姜公臨沒語其子安節實節曰敬亭吾戍所也戍者吾君所命吾未聞

明詩綜卷六十八

九

後命而君亡吾猶罪人也死必埋吾戍所乃葬宣城公晚歲始為詩風格一木杜陵其自序云託哀鳴於異鳥感音節於候蟲可謂善於喻物也者

秋懷

仰視雲中鴈飛鳴何翩翩朔風自北來玉塞起塵烟昔
聞漢武帝防秋守九邊拓疆猶未已奄忽下重泉哀哉
重泉下玄狐陟其巔大江萬里長下有蛟龍淵回頭夜
怒號聲怪震百川我欲往從之褰衣不得前願言長相
憶中心淚連漣

和陶輓歌辭哭左侍郎仲及

大風自北來寒木正蕭蕭多少舊墳墓不知在何郊獨
君三尺土高山共嶢嶢我來拜君墓手折白楊條所取

非楊條荅贈在今朝君死則已矣我生可奈何我豈貪
生流母老強還家既為君作傳又為君輓歌生則託金
蘭死當告山阿

發使東歸

城南薄田十八垞高者桑柘低稔稅白日黃狐牆頭立

既不殺之當與揖

曾青藜
云莽兀

簡余寒鐵

自我不見余秀才夏云徂矣秋風來我今一到秀才宅
堂前堂後生蒿萊丈夫骯髒只如此誓欲破家去鄉里
今日路旁一匹夫當時萬言千天子低頭俛眉心不辭
養雞牧豕身應爾君今讀書停雲館仰天狂歌何行行
有時野老扶杖過烹葵摘果酒先煨白公隄上波欲沒
期君同看溪雲滿

明詩綜卷六十一

十

赴戍宣州衛

垂死承恩謹天威咫尺間荷戈荒徼去收骨瘴江還袞
職猶思補龍顏竟絕攀橋陵千滴淚獨在敬亭山

鑿江雜詠

老去人猶在春來客未旋側身天地外卜宅水雲邊月
照歸栖鳥江喧出口船苦遭生意短白髮不相憐

九日登越州稷山和弟垓

萬木凋霜嶺千巖帶水邨雲屯山郭靜潮過海門昏
帽風堪落黃花酒正溫愁聞江徼外鳴鏑滿中原

送林衡者還嘉善

相知不在久岐路莫頻驚客舍由拳地鄉心夾淞城霜
前孤鴈白雨後一湖明爲報余生札平安問舊京

周

燦

三首

燦字光甫吳江人崇禎辛未進士知宣化會稽

二縣選授浙江道御史有澤畔吟

陳皇士云侍御詩彬彬有序大雅之音

丹青引贈顧子

山莫画泰山松樹已受秦皇封水莫画黃河濼河流
已非夏后道但作清溪竹樹灣添我垂釣於其間吁嗟
乎男兒少壯隨朝彥豈料中年桑海變枉想丹青麟閣
中他人爲我開生面顧生顧生爾莫嗔傳神似爾画逼

明詩綜卷六八

十一

真如何貌此尋常人

韓蘄王碑

西湖湖曲騎驢翁中興十將稱最雄道逢姦相但長揖
斯人豈比張魏公鄂王英武庶其匹時危協力扶王室
龍王廟前金鼓震遺恨書生黨兀朮公之骨埋荒墳公
之烈存碑文華堂鐵券雖已失千載猶傳趙雄姿

徐雷發云辭不

多而激昂流轉斯人豈比張魏公一語足慰蘄王於泉下

鄰翁邀食五月桃戲作

桃實纍纍也足豪主人笑釘玉盤高仙家一熟三千歲
五月先嘗遜我曹

許

牙一首

豸字玉斧候官人崇禎辛未進士除戶部主事
歷員外郎出爲浙江按察僉事以叅議提督學
政有春及堂詩

建州逢陳德輝

已分別離久何期此地同西城山路近南浦野橋通信
宿情何極他鄉歲欲終維舟無限意相對有飛鴻

送友之瓊州

匹馬珠厓路須防瘴嶺雲蠻童青箬笠黎女綠蕉裙潮
有東西候時占朔望分臨岐還把臂不敢說離羣

春日送客

春光初往苒客路惜分攜露濕鶯花重風吹燕麥齊孤

明詩綜卷六十一

七

燈茅店裏殘月柳橋西別思千峰外援聲不住啼

黃坤五
云玉斧

五律聲調委婉趣味澄幽誦
之如流水平橋佳趣自在

張鳳翥 一首

鳳翥字儀明一字威赤宿松人崇禎辛未進士
除嘉興知縣補仁壽升刑部主事歷湖廣按察

副使

詩話張公牽絲作宰以慈得民晚節御舟每危強吮血裏
膾接戰而死忠勇不可及也詩又安雅絕無叫囂之氣

武陵道中

孤城臨古渡斜日一舟橫北渚離人目西風遠客程藤
疎知樹冷櫂響信江平不用分漁火前洲月已生

于穎 一首

頽字長公金壇人崇禎辛未進士除工部主事
歷員外郎出知西安府削籍尋復工部郎中知
順德紹興二府升浙江按察副使分巡寧紹道
新歲次茂貽韻

不覺流光度霜華入鬢邊難忘惟舊雨相對又新年學
佛寧遺世為農敢問天椒花一相勸身世各悽然

管正傳

一首

正傳字元心長洲人崇禎辛未進士除永新知
縣調贛縣有積書巖詩草

詩話元心詩思入微原本易林大玄當其意匠經營幾欲效修羅遁
跡藕絲中然猶取材於古故方之徐元歎張草臣諸子較勝一籌

西泠橋

明詩綜卷六十八

十一

斷嶺寒烟落晚鴉閒聽漁鼓倚橋過誰知湖上彎彎月
又照錢塘蘇小家

薛

案

一首

案字諧孟武進人崇禎辛未進士選武學教授
升國子助教轉南刑部主事歷郎中出知開封
府晚為僧號米堆和高

金陵

野曠風鳶捷江空石燕輕年年春草綠不忍上臺城

成仲龍

一首

仲龍字為霖長垣人崇禎辛未進士除夏邑知
縣調永城選授兵科給事中出為浙江按察僉

事轉參議遷陝西參政歷布政使有東壁樓集

除日立春

除日今朝是蹉跎又一年歲從燈下改春訝曆頭先柏
酒愁無分柴門靜可憐半生成底事兩鬢已皤然

劉應迪 一首

應迪字簡在金谿人崇禎辛未進士閩中知縣

曉起

曉色漸熹微柝聲聽漸稀月潛銷客袂燈已失林扉竹
外風翻冷花間露欲晞巢鳥棲未穩先上女牆飛

王 斤 二首

斤字王屋蘭陽人崇禎辛未進士滋陽知縣有

明詩綜卷六

三

王王屋集

詩話王屋嗜奇鞭驅險句觀其起發宗藩自理一疏辭艱晦而
不舒在詞言難以封進乃以未將金幣自尤尤人得毋過與

謫歸曉經中山

長安日以遠古道風淒淒草濕蛩聲緩林深鵲起低殘
兵親廢壘孤客度危蹊去國莫悲戀一枝不借栖

病卧聞砧

白露兼葭老西風梨棗肥可憐人病卧翻羨鳥高飛藥
竈繁秋草藜牀帶落暉那堪砧杵急盡力擣寒衣

張明弼 一首

明弼字公亮金壇人崇禎癸酉舉人揭陽知縣

有螢芝集

命若古云公亮經生垂白始領
賢書過一人知已津津不置

金陵送胡常之歸九華

目極秋江隱碧山九峰想像有無間孤舟此去同鳧鴈
知宿蒹葭第幾灣

陳宗之 十一首

宗之字玉立長洲人崇禎癸酉舉人

詩話啓禎間景陵流寇盛行於吳中雖有林若撫力持唐調然而捷
歛未免率易玉立於鍊獨操正始之音八門七堰六十坊可以獨步

擬陶 二首

藹藹堂前木時至忽成林首夏方澄和凱風散幽襟我
愛白日靜觸物每微喙息影盤石邊時鳥懷好音鼠壤
有餘蔬東醵聊自斟雖無高世軌撫已安夙心先師有
遺言謀道匪自今已矣何所羨林栖豈在深

明詩綜卷六文

十四

人生無定轍榮辱隨所遭豈無賢達心屈跡沉蓬蒿老
萊安葭牆仲由甘緼袍較量軌迹間與世竟孰高不恥
一身乏所傷生民勞風塵暗畿甸溝水事枯槁清夜起
長歎念之首重搔安得田子春節義稱士豪雅志雖未
申良足媿滔滔

世化

往聞漫翁言日月化豺虎斯語恐未然含疑不輕吐及
乎遭世喪所遇駭聽觀中原延寇氛蕩析無寧宇菰蘆
一方地荒疫亦愁苦天高吏肆酷法密民罹罟人鬼須
史間牽率歸黃土安得山阿栖飲泉采芳杜緬懷盛年
時邈若羲皇古

漢道

漢道昔云季四海沸羣雄賢士失網維奔竄投西東管
寧栖遼海田疇隱無終鄭玄與王粲各自獲所從如何
盛明世栖栖泥淖中雨雪積荒塗渚田路不通寧無北
門歎要自秉固窮疾耕寡樂郊仕官乏奇功乾坤雖浩
廣無隙置薄躬愴惻衡門下憂來溯悲風

悔

磽田不可耕濁水不可釣常思汗漫游高卧青山嶠此
意更莫酬蹉跎失年少讀書近浮名趨俗失要妙幽幽
寒溪側寂寂孤燈照故牀擁敝裘密雪陷爐餽兒飢每
索錢愁來獨悲嘯

明詩歸卷六八

五

登翁漢津水臺

朝卧采山堂暮登漁山閣漁采俱在山始信湖中樂閣
盡有高臺岿堯出寥廓茫茫笠澤帆隱隱浮屠嶸峰秀
無匿覽波光恣開拓始冬似佳秋風日猶晶灼古樹儼
當階黃葉深未落葛翁不可招丹竈安所託空餘泛宅
游未踐褰裳諾宿契必有期無怨徕與鶴

游金菴

放櫂非有期泛觀湖中山偶然入幽境遂叩高峰關老
衲出肅客蒼顏映丹顏同坐絕壁下始知身世閒飯我
青精香供我綠菊斑葑山薈已沒金菴徑可攀歸塗歷
清溪荒寂幾灣環萬堆黃葉中清磬激潺湲月出每孤

往又逐漁舟還

病橘

病橘含辛實淒然墮曉風本無雕飾分敢恨託根窮斷
續陰依井低昂鳥啄蟲可憐冰雪後剩有一枝紅

周青士云蒼老

緻工

感時

花石綱看艮岳移麝香裙冷護宮衣紅燈小隊湖游夜
知否襄陽六載圍

寄衣曲

前庭踏鞠後庭歌主將功高意氣多不信沙場征戰苦
年年擣練寄金河

明詩綜卷六六

六

秋山即事

宋朝自名种明逸漢室何知鄭子真今日徵君何草草
馬蹄手板拜紅塵

李天植

五首

天植字因仲平湖人崇禎癸酉舉人晚更名確
字潛夫隱居龍湫山有麝園山游諸集

陸次友云因仲高蹈

詩多激逸合乎清江碧嶂之音

詠史

秦皇制六合焚書築長城萬古以爲罪孰爲原其情典
籍付煨燼大易道獨行豈識理數原尚留天地精紫塞
巨萬里外內界則明春秋重此義茲尚存典刑後世經

術儒勦說日以橫胡然南面尊不恥城下盟祖龍而有
知其氣殊未平

雪夜泊舟澣墅

朔雪沉宵柁江關卧未安
牕虛得疎響舟重壓新寒
梅落倡樓笛蘆垂釣子灘
鄰航催曉發得共月華看

游青蓮寺

香剎從來古春風客到稀
溪光平入座竹色冷侵衣
地僻鳥無語林深花自飛
相過逢勝侶竝坐話清機

獻生賦謝鄰叟

瓜蔬吾所愛分惠媿芳鄰
不忍私佳種還期及令辰
青囊珍重意白髮老成人
生計憐余薄時來話苦辛

明詩綜卷六十八

七

山中訪宋爾垣

風吹帆影過西城一片浮雲嶺上晴
滿地落紅都不埽萬松臺畔讀書聲

謝

遶二首

遶字彙先宜興人崇禎癸酉舉人有是亦樓存

棗

詩話孝廉晦迹衡門種菜一畦不入城府陳檢討其年寄懷詩云半畝
牛宮鏡菜田鈕畦汲水獨悠然芒屨一輛千金直不踏城中二十年其

詩頗效林

通魏野

銅官山書齋

坐卧深林裏牕開別一天
山腰埋宿雨石面瀉流泉
路盡雲猶觸卝分樹尚連烟
霞吾所戀只此可忘年

河間道中

猶復驅車去行蹤何處留閭閻移馬廐市井割鴻溝草
濕王孫淚塵淹季子裘那堪鬼車烏風雨夜啾啾

陶汝鼐

四首

汝鼐字仲調一字燮友長沙人崇禎癸酉舉人

有榮木堂集

詩話先生壯歲好游自吳入越與先人訂橋札之分嘗留橋宇度歲晚
際仕離出監軍事捍禦鄉邦善力暨章堵兩公盡拜略同讀東湖南賦
棲屐過於闌成詩雖未脫
景陵之派然覺吏氣殊倫

京山道中探觀音巖尋磴掬水歷巖上下古木峭
壁高瀑競響舊有李本寧先生園今廢愴然有作
層巖近大道其麓如深邨僧包立樹下過橋知寺門庭

明詩綜卷六六

六

前雙老幹一為娑羅根虛閣覆巖壁滿屋蛟螭痕飛流
響石罅奮躍探其源涓涓出漢尾色白河崑崙掬飲泉
上下微覺分清溫巖阿受夕陽偶坐如朝暎戀賞勿忍
去出溪松路昏惜哉平泉後亦不理茲園

金正希招集練江醉宿清淨寺

冬霜萬壑陰江永日將夕画舫泛容與川暝光愈白急
風吹燭花谷響合歌拍小榼僧廚來蔬笋界方格語笑
酒易傾如以桐叩石柱史如枯禪城市無一宅酒深思
啜茗同作虎溪客貝葉啓禪書梅花落瑤席坐久聞妙
香一榻隨所擇睡鄉鐘鼓鳴林鳥翻旅翮吾亦步下山
佛燈猶照壁

嚴州道中

曲江流不盡寒氣凜初嚴野泊紛漁艇遙帆類酒帘枯
河冬雨活濕壁凍雲黏不分多歸思蕭蕭與夢添

哭亡弟彞幼調

孝友人皆見居家母最憐不留娛白髮非意及黃泉鳩
杖難消壺驪珠易返淵老兄千斛淚不敢墮親前

陸清源 一首

清源字嗣白平湖人崇禎甲戌進士除增城知
縣擢雲南道御史巡按福建後爲馬士英部將
趙體元所殺

答黃石齋先生

明詩綜卷六

九

問俗停車到海濱羽書詎敢計安危孤城吹笛思當日
中夜聞雞豈異時北望烽烟勞夢遠東瞻林墅出山遲
蒼生極目堪流涕何日綸巾一視師

傅巖 二首

巖字野倩義烏人崇禎甲戌進士除歙縣知縣
擢江西道御史有花巢詩藁

庚辰元旦

曉起看雙鬢居然比昨非趨朝人語早掩幔客來稀酌
酒分居後傳柑秩尚微遙思故鄉會是日定春衣

姑蘇早發

吳閶西去片帆輕野樹微茫水國平一夜櫓聲搖月影

不知枕上過菰城

文德翼 一首

德翼字用昭德化人崇禎甲戌進士除嘉興府推官擢吏部主事有燈巖詩集

池口阻風

伸脚蓬牕西日移打頭蘆渚北風吹沿城路僻多蚊蚋
到夏江深少蛤蜊山色杳冥歸謝朓笛聲惆悵憶桓伊
頽年自笑滄洲客破浪那能萬里期

吳本泰

二十一首

本泰字美子一字藥師仁和人崇禎甲戌進士
除行人選授吏部主事改南京禮部歷郎中有

明詩綜卷六八

干

海粟堂集秋舫箋北游西征東瞻南還嶽游諸

草

周書士云吏部五古出入選唐竹枝宮詞猶存老識遺響

詩話吏部當正聲微茫之日獨標大雅之音而揚托風雅者或不及焉益信曲高者和彌寡也

帝京篇

崇禎元年作

夢想黃金臺來歌白石粲明明聖人出旭日天方旦廣
殿飭梓材神霄聳輪奐奐薇垣格澤消芝蓋卿雲縵三吳
罷機杼九廟秉珪瓚下國頌時雍至尊理宵旰宵旰懷
殷憂邊籌寢弛翫軍需飛檄催水衡仰屋歎大姦已距
脫羣疑未永泮漸鴻雖可儀羔羊不聞讚名盛實則衰
事倍功乃半因之勅幾康匪伊游泮魚君旣勤晝接臣
當思日贊朝中去朋黨政府參謀斷網必挈其綱繩先

理其亂求治毋太速防微勿滋蔓所期日月光幽遐理

必貫

朱近修云通篇沉着不浮

靜海道中大風

海人行海國謂應狎波濤波濤湔不見曠野天風號寒日澹無光動地卷白茅疑有鐵騎驅鼙突鳴弓刀離羣慘孤鴈失木傷哀孫中車紛欲裂簸蕩如輕舠四射中肌膚一寒欺復陶豈關造物意人事或偶遭方驚萬里軒寧憚險與勞

任丘張氏園藍田先生授經處

不識魚君陂幸識魚君令城隅敞臺榭水木相翳映謂予此樓遲差可閒眺聽是時秋氣深白露漸蘭徑瘦石

明詩綜卷六十八

主

裏苔斑寒花棲蝶暝女牆邏柝喧梵閣宵鐘應慮澹羣物輕時危百憂并皎皎明月枝驚烏棲不定茗牕靜披覽冥緬獨無竟昔賢曾授經履屐痕猶賸

臨淮道中雪

昨日春氣喧僕夫俱喘汗今晨北風厲雪花卷行幔天時自迴薄人意驚錯換况乃事徂征惻惻羈魂斷長淮望不極鍾離道方半踉蹌赴郵程沙澗惑阡畔暝鴉寒不呼翻飛忽零亂車上冰滿髭車下泥沒骭紅燭映深簾寧知旅人歎

陋巷井

改邑不改井泠泠無古今原泉何方來或是泰山岑仰

之既彌高俯之亦彌深屢空其庶而澹然助齋心仲尼
飯疏飲應與共酌斟禹稷憂飢溺易地同所任至味無
異旨樂哉此中尋

秋雨歎

晨雞喔喔天未明潰垣忽作崩雷聲裳衣顛倒晝帙亂
蒼茫四顧心獨驚陰厓潭水深千尺飢蛟掉尾盤渦黑
我欲拔劍往斬之出戶踟躕三歎息

賦得草徑入荒園

匝地靡蕪綠戎戎接短垣路迂隨鹿引邨靜覺禽喧
露沾芒屨頽陽卧瓦罇園丁渾解事野藪具盤餐

秋住湖口

明詩綜卷六十八

三

雨夜官城暗霜期候鴈呼瘦筇黃葉寺高枕白雲湖歲
月傷羈客烟波狎釣徒醉吟楓落句秋思滿東吳

冬日邨居

短景催年盡荒齋擁膝安甘蕉經雨敗叢菊抱霜乾閉
戶腰肢健千人齒頰難得閑能幾日杯勺此盤桓

候舟

浦口千檣集占風信宿遲長雲鴻沒影古壘樹無枝人
語殊方雜客心孤月知湯湯濁河水利涉問舟師

阿城逢秋

野棗青未熟渚蓮紅欲銷涼風髡鵲頂新水長魚苗江
上客星小亂餘兵氣驕秋來無別夢長畔鹿門樵

由歙邑入海陽

淺瀨無舟渡迴溪有路通獨行過市上元只在山中薺
麥搖晴綠林蕉逗晚紅清鐘隔巖寺留聽聽松風

庚申中秋

叢桂生陰雨氣涼少焉月出四山蒼于飛鵲繞樹三匝
所謂人居水一方素蕩紅菱秋饌美画船烏桕怨歌長
徘徊顧兔傷流景爭乞雲英玉杵霜

任城將南還半舫先生餉酒走筆言謝

李白樓前黃葉洲欲發不發仍淹留青氈近對許主簿
白衣恰送王江州五侯掉頭那肯顧一杯入手百不憂
讀公新詩飲公酒醉眠松石風颭颭

明詩綜卷六八

三

寒食感事

南朔城荒春到稀西山雪盡尚沾衣別來桃李三年夢
老去兵戈萬事非行腳出家猶有累低者獻賦不如歸
試看縣上神林近野爨無烟空淚揮

西湖竹枝詞

五首

西湖湖水碧琉璃西湖楊柳綠茸絲愛殺桃花紅片片
却似西施好面皮

繆天自云此用唐人迴波樂辭不為麗也

與郎暗約段橋西早起妝樓欲下梯宿雨半收晴不穩
惱人最是鶉鳩啼

薺麥青青三月三看看草色暗湖南忙催姊妹燒香去
戴勝來時又養蠶

放生池岸柳叢叢香閣鈴檐四面風輕薄少年乘醉過
手提射鴨竹枝弓

踏青湖上嬾歸家更愛山行輦路賒妾上笨車郎跨蹇
西溪十八里梅花

春曉

南來消息斷歸鴻江國迷春曉夢中斜帶參星杏花白
依稀牆半宋家東

凌世韶一首

世韶字官球歙人崇禎甲戌進士除寧化知縣
謫江西按察司簡較改興化府經歷升處州一作嚴州
府推官入爲戶部主事有內沙草

陳皇士云內沙廉吏
晚棄家隱黃山詩有

三雷

清韻

惠州西湖

湖面寒光一鏡平露荷烟草入秋清白鷗浴罷各飛去
遙見潮痕郭外生

周之璵四首

之璵字玉鳧長洲人崇禎甲戌進士除刑部主
事歷禮部員外郎

讀史感懷

石羊埋棘漆燈冥一作燐短犢橫牽上廢亭金盃更從何處
覓春深杜宇哭冬青

詩話玉鳧讀史感懷六十首接
句驗今不失國風小雅之音

漢皇恭儉百無營
衡石投籤久勵精
端爲黼宸求治速
翻教安石誤蒼生

寶帶橫鞞建碧油
居然鞞鞅閤東牛
未聞秦捷傳淝水
又見稱兵犯石頭

參軍空自賦蕪城
一歲人間艸一青
隴首寒雲常漠漠
風蒲依舊滿臨平

劉

侗
二首

侗字同人麻城人崇禎甲戌進士除吳縣知縣

未任卒

曹潔躬云同人以文體矜奇爲學使置下等慎憚入大學連舉鄉會試留都亭日與于司直共輯帝京景物略文筆

詭異蓋亦服習竟陵流派者

賽社詞

明詩綜卷六十八

五

春社典春衣秋社饜梁肉
婦子且莫嘻場熟廩不熟
遼陽方告警農助官家穀
遼租十增三官租三增六
里胥登門催斛半量一斛益
以雀鼠耗完數恒不足
賽社報年豐社神聽我祝但願
邊患平強於倉儲蓄神保
太息言遼平爾何福糗隨
遼餉加不隨遼餉復播州
幾月兵至今農嗽粥

久遊復至鄂得家信將別黃宗之

出門未暑秋仍滯
十度曾登送別舟
久客畏聞家有信
逢人俱道邑無收
衣糗不恥困良友
僮僕多言怨漫遊
夜夜酒同鄉夢醒
舍邊雞與渚邊鷗

陳組綬

一首

組綬字伯玉武進人崇禎甲戌進士除兵部主
事有伊菴稟

舟泊清河有攜絃索過飲者

客思紛河北商絃復漢南星光零夕霧邨柝靜虛潭去
國黃花九逢人白社三曾爲記歌者不醉亦何堪

朱芾煌

五首

芾煌字玉瑠無爲州人崇禎甲戌進士除餘姚
知縣調樂安入爲戶部主事謫補順天儒學教
授稍遷國子監博士升車駕主事歷武選郎中

有文喜堂詩集

宋牧仲云武選樂府學長吉間出文昌玉溪間
古詩近體出入三唐要多自得能不牽於習尚

尤展成云武選詩思深而志遠 徐電發云武
選紀事之作和而不流哀而不激七絕尤稱擅場

明詩綜卷六八

五五

獨步文德橋

畫樓高閣不同登雀舫鶉笙亦自憎每日杖藜橋上立
青青雨過看鍾陵

北行江上阻風

荻港黃雲壓水流風翻白浪打船頭長年莫道秋江冷
楊柳堤南是酒樓

示從行汪伶

歌行作使得何戲尚與殷勤佐酒酣我有傷心千種恨
鷓鴣切莫唱江南

與客飲感舊

檀板牙牌事事新小車花下自相親勸君莫惜花前醉

舊醉花前今幾人

雜吟

賽社人稀古廟東
午烟晴臯酒旗風
游人不盡春游興
醉帽欹斜落日中

王 潢一首

潢字元倬上元人崇禎丙子舉人有南陵集九

淵云元倬詩沉雄渾鬱頓挫瀏離大都發源於騷雅徵材於漢魏歸根於杜陵 薛誥五云元倬忠孝之性溢於毫楮纏綿悽惻而未已 寧人云先生詩深以婉和而摯不失三百篇溫柔敦厚之旨 方 爾止云元倬格律森嚴用意深至雖憤時嫉俗而渾然不覺

宿松風閣分韻得吟字

靄靄歲云暮風雨恒見侵
小霽憩山閣蕭颯吹寒霖
澗壑亂餘響鐘鼓沈清音
蒼蚓卧蜿蜒擊攫力不任
羽觴

明詩綜卷六十八

王六

亦以歇剪燭聞鳴琴
嘿坐得冥會擁褐成孤吟
須臾微霰集晨起雪在林
樵徑斷人語四野號飢禽
皎皎二三子貞白同松心
炎暉諒可換見晷消重陰

萬 泰四首

泰字履安鄞縣人崇禎丙子舉人有寒松齋彙

詩話孝廉鈞黨顧尉士林圭臬兵後以經史分授諸子各名一家其最著者斯大充宗斯同李野也詩多清商變徵之音羊城旅懷等作見者十手傳鈔其云廣柳車中容季布湘江萍時開 亞陽舟經彭澤竟客死舟中識者以為識云

客中初度

朝來虎阜攬春暉
矯首林泉興不違
故國青山殊自好
王孫芳草幾時歸
遙將兒女庭前淚
灑入江湖客子衣
舉目傷心歌舞地
多情楊柳故依依

釣臺有感謝皋羽遺事

當年君哭文丞相今日吾來當哭誰暮雨寒潮楓落後
朔風極浦鴈飛時兵戈未得書生力草澤偏懷故主思
如意一聲天地裂淚痕千載濕江蘿

留別董西來

客塗相見即相親總是淒涼夢裏人且喜何郎能似舅
不妨綺季未稱臣睢陽城上三生淚無定河邊後死身
惆悵天涯分手處秋高一鴈落江津

冬夜獨坐作

有客挑燈夜賦詩魂銷雨雪歲寒時黔婁私謚稱康子
文舉人推是大兒落日江邊勾踐國春風湖上岳王祠

開詩錄卷六十八

三季

尚然老健堪容與耐取青松百尺枝

張昉二首

昉字于東一字匏客商丘人崇禎丙子舉人有

匏客遺詩

詩話匏客多憂生之
嗟其詩原出老杜

晚行

客路寒山暮居人各掩門荒城餘古驛落日滿前村世
亂家難料身微命敢論烽煙回首處原野已黃昏

武陵原

遠害當年早深山共卜居家耕無賦地人讀未焚書父
老衣冠古兒孫禮法疎咸陽三月火不到野田廬

徐之瑞 七首

之瑞字蘭生臨安人崇禎丙子舉人有橫秋堂

稟

詩話考廉熟精文選五言古致
紛數近體效韓冬郎極其綺靡

行路難

太行北上雪刺天黃河西渡冰塞川狗屠擊筑各已老
咸陽逐客還游燕烏丸夜破龍盧戍越鳥朝棲日南樹
長槍大槊取通侯安用蓬門事章句

雞鳴嶺

披榛陟山椒輒摧馬盤桓歷險未云疲逶迤入雲端仰
探巖谷偏俯視井邑殘千峰列遠戍兩崖壯重關垂蘿

明詩綜卷六十八

三

蔓幽壑怪松支危垣灌木鬱蕭慘哀風嘯叢萑乘墉或
失恃務德誠所難蟋蟀在牀下我生詎遑安勞勞多苦
辛惻惻起悲歎

五十初度戲作一萬八千日歌

翔鳥夾日東方起蟪蛄大笑蜉蝣死聽我萬八千日歌
請從握算軒轅始我生不逢唐與虞我死不返鴻濛初
以尻爲輪神爲馬手扶灑氣還虛無虎頭燕領玉關路
墮地儒冠脫相誤將軍海外御樓船坐看蚩尤蔽妖霧
漩題兩角開明堂左日右月魁中央豐靈屏翳伏不動
弧矢一星猶射狼布衣憔悴夷門客瞋目操椎大梁陌
少年躍馬氣凌雲怒血衝冠髮先白南修蛇北封狐魂

乎歸來不可處上乘白蛻游天都洞房繚繞明華燭珠
綴文軒網交綠娛光繵眇睇層波半醉雙鬟抱絲竹北
斗挹漿醪且清玉妃起舞吹鸞笙百壺一榼焉足算小
臣再拜鷗千齡天門朝開誅蕩蕩劍佩雜鳴劇相向已
看恨骨委蓬蒿安用黃金鑄形像二十四氣黃鐘吹三
萬六千璇璣推元化回環貫金石丹宮玉齒生寒炭平
生豪健屠龍手蹭蹬麒麟落牛後夢中滄海幾回更勸
爾長星一杯酒

春游詞

四首

西山松柏翠成林十里橫塘水路深鷓鴣鴛鴦莫相妒
荷花香處結同心

明詩綜卷六十八

天

檀槽低攏小鸞青金鴈斜飛玉手輕弟子三吳零落盡
橋頭弦索最知名

山頭擊鼓賽金錢橋上飛鳥散舞筵長記迎神送神處
石湖沙背泊郎船

龍膏千炬繞芝楹銀鑰初收玉漏傾夜冷不禁羅袖薄
雙鬢炙火更吹笙

巢鳴盛一首

鳴盛字端明嘉興人崇禎丙子舉人有永思艸

堂集

詩話孝廉肥遯深林絕迹城市時羣盜四起鏹錢銀鏤之器無得留者
於是遠屋種鵝大小凡十餘種長如鶴頸纖若蜂腰杯杓之外室中所
需器皿莫非鵝者遠邇爭微之構李貌樽不踵而走海內
孝廉作長歌咏焉茲錄五言一律剖心剖垢蓋自喻也

題匏杯

回也資瓢飲悠然見古風剖心香自發刮垢力須攻不
識金銀氣何知陶冶工尼丘疏水意樂亦在其中

劉永錫 二首

永錫字欽爾魏縣人崇禎丙子舉人選長洲儒

學教諭署崇明縣事庭無留獄有洹水遺詩

詩話洹水至性之士兵後隱居相城有大吏強之仕袒褐疾視曰我中原男子年二十渡漳河登大伍躍馬鳴鞘兩河豪傑誰不知我奈何欲見辱邪取壁上所挂劍欲自剄門下士抱持之得解旣而女妻相繼餓死子爲盜所傷亦死父之洹水沒其弟子徐晟陳三島等經紀其喪葬之虎丘

山塘

揚子刺船歌

白日墮兮野茫茫家千里子來遠方壯士何時兮歸故

明詩綜卷六十八

无

鄉

鼓柷歌

邈彼中流兮采其苻矣思君與父子有懷靡竟矣身爲
餓夫兮天所命矣中心殷殷兮涕斯迸矣

明詩綜卷六十八

明詩綜卷六十九

小長蘆 朱彝尊 錄

宛陵 程元愈 緝評

孫嘉績 一首

嘉績字碩膚餘姚人大學士如游孫崇禎丁丑進士除南京工部主事改北兵部歷職方郎遷江西按察僉事

聞笛

一林寒碧露華浮吹笛誰家客倚樓
翦翦西風吹不斷夜闌翻入小涼州

堵胤錫 一首

明詩綜卷六十九

胤錫字牧游無錫人崇禎丁丑進士南京戶部主事遷知長沙府

發署秋懷

雨牕無事草侵除清晝簾垂步較疎
千里涼生今夜月四更夢得故人書
踏歌自詫狂非昔丸藥何曾病減初
旅况入秋真坎懷放衙愁聽鼓潭如

章 曠 一首

曠字于野松江華亭人崇禎丙子鄉試第一丁丑進士除沔陽知州

宿白龍寺

肅肅秋林紺殿一作大寺荒祗餘一衲獨焚香
向人慘澹言兵

事不是傳聞古戰場

倪長圩一首

長圩字伯屏平湖人崇禎丁丑進士除蘇州府

推官歷兵部主事

秋日過張子讀易居喜遇顧徐二子

一櫂迎秋傍晚涼疎牕燈火舊書堂窮愁久識張平子
著述重逢顧野王江上蒹葭方浥露洲前鴻鴈正經霜
南洲孺子聞名久知有鴻文石室藏

余颺一首

颺字賡之莆田人崇禎丁丑進士知宣城寶應
上虞三縣歷吏部主事

明詩綜卷五十九

二

嶺上題壁

南眺鄉關事事非一隅又說受重圍孤蹤豈似衡陽鴈
無奈峰頭暫北飛

謝泰宗一首

泰宗字時望定海人崇禎丁丑進士南安推官
有天愚山人詩集

訪友

西子湖頭二月槎到來剝啄日將斜主人原是孤山鶴
長定花時不在家

曾異撰 三首

異撰字弗人候官人崇禎己卯舉人有紡授堂

集

靜志居詩話弗人
異才詩太近詭

江北大道中

客路殊南北蕭條景物新夕陽人馬影高岸犢車塵土
屋蘆編戶炊烟糞作薪當墟邨店女破笑却如嗔

硯菴

天下何時定吾生忍苟安乾坤難閉戶出處礙纓冠穀
賤農偏餓機張女倍寒追呼官縱急猶勝寇摧殘

雨經富陽

小縣飛樓俯驛亭竹間樹杪恣揚舲溪山病亦開蓬看
風雨眠猶翦燭聽永夜潮來江上白浮嵐画入井西青

明詩綜卷五九

三

石尤前路無妨阻好住嚴灘問客星

馬嘉禎

一首

嘉禎字允和平湖人崇禎己卯舉人

訪隱者

樵子相逢不問名指予山上白雲生此中新結茅菴在
清磬一聲山鳥鳴

管正儀

一首

正儀字元翼長洲人崇禎己卯舉人有宿雪齋

小隱集

古先生墓

古之忘名人第號古先生先生在當時矯矯非世情託

身山水間永與烟霧幷采薇非徇義挂瓢非避榮緬懷
武夷山九曲開澄泓先生葬此地井穴通泉英至今墓
前土產芝恒九莖覽古誦遺詩其言明且清

汪 風 一首

風字魏美杭州人崇禎己卯舉人

詩話孝廉高蹤苦節人所難堪子嘗訪之大佛寺僧寮竹榻蘆簾不蔽風雪坐間欲留子啜杯茗則瓦爐宿火已銷一笑而別後數年偕魏處士允袖過子山樓書塾時已初冬共宿樓上所攜布被尚未裝緜也聞亦作詩多不存彙僅錄一絕句竊謂明史局爲違民立傳豈可失此君

遺詩

冰泮水還澄雲開月方潔一旦破樊籠逍遙從此別

沈宸荃 一首

宸荃字友蓀慈谿人崇禎庚辰進士除行人擢

明詩綜卷六九

山西道御史有彤菴遺詩

謁梅子真祠

粵昔南昌尉志存匡社稷上書糾時宰孰云非臣職漢
網已弛網顛木難再植明哲早見幾冥鴻避矰弋隱跡
吳市門學道此山側豈同養生家修鍊資服食苟有濯
纓池丹井字并勒昔人驂鸞去無從辨虛實藥苗長幾
何求之或可得酌酒坐高岑浩歌瀉胸臆

吳晉錫 一首

晉錫字茲受吳江人崇禎庚辰進士除永州推

官

采蓮曲

打槳向三洲迴船入南浦共憐蓮葉香誰識蓮心苦

方以智 二十首

以智字密之桐城人崇禎庚辰進士授翰林簡
討晚為僧名弘智字無可別號藥地和尙有浮

山全集

詩話先生紛紛五經融會百氏補三萬軸於架上羅四七宿於胸中早
推許郭之人倫晚結宗雷之淨社樂府古詩磊落欽羨五律亦無浮響
卓然名家

監軍苦 并序

賊今年盤踞於皖凡兩月獨史監軍提兵不滿
千人與之抵敵身裹戎服不避風雨自軍士與
小民聞之無不願為之死故能以步兵近千抗

明詩綜卷六九

五

數萬衝突之騎焉然其如衆寡步騎之勢何哉
賊在皖中六十日監軍日日提兵出可憐提兵不滿千
死守死戰驅向前軍中壯士皆感泣重圍出入斬首級
大兵且至賊且歸監軍未嘗除鐵衣鐵衣中夜當風雨
旁人誰念監軍苦苦哉行歌一聲赤心在白日明予之
金印十萬兵君王何愁賊不平

估客苦

昔言估客樂今言估客苦昨夜泊舟楓林下左右舳舻
盡商賈見彼哽咽當風餐為言作客江湖難江湖近年
多盜賊布衣夜脫安可得徵賤鬻貴雖不貧風波萬里
真苦辛更逢當關多暴吏欲浚錙銖加重罪可憐曠黑

不開關苦人巨浪危機間恨不載金長安買都尉等閒
見汝一官何足貴

哀哉行

奔城南走城北礮聲轟轟天地黑女牆探甲皆中官司
馬上城上不得亂傳敵樓鐵騎從至尊宮人夜出華林
園須臾中官大開東直門賊營四布如雲屯此時張牙
禁出入蓬首陋巷陰風泣居民畏死爭焚香父老衣衫
暗沾濕吁嗟乎先皇帝烈丈夫萬歲山前從者無神靈
九廟長悲呼却憶去年雷震奉先破寢室寶座赤蠟飛
三日享廟衛士夜驚鬼黑牛十丈端門出九御大老無
愁容金紫得意長安中談兵獻策者仇寇只引舊例相

明詩綜卷六九

六

朦朧日夕甘泉烽火至沙河土關紛賊騎猶然閣試新
門生品第人情出名次傷心此輩送國家師生衣蓋求
清華一旦薰蕕盡膏火崑岡玉石誰爭差可憐忼慨忠
義士前後只合橫尸死已焉哉哀勿哀仰天氣絕魂歸
來小臣拜祿十七石卻生此日當其災

企喻歌辭

出門無兄弟結伴枉自多一著鐵襖襠襠淚下將如何

折楊柳歌

男兒辭父母涕泣對妻子女兒辭父母涕泣心中喜

西平樂

往來輕薄子與我相知新贈我青銅鏡欲得鏡中人

古詩 三首

嶺外稀繁霜草木不黃落窮巷生陰風客心乃蕭索斗
杓指實沉勾陳半隱燐蟋蟀滿牀下篝燈夜懼懼此地
羅浮山古人嘗采藥何不披短衣入山飽藜藿曉從外
來者皆言道路惡我欲依神仙神仙不可託

東北覆陰雲其下吾故都中路一奔走恨隔天一隅虹
蜺下平地曠野秋荒蕪翼日大風雨慎勿臨長塗人傳
使者來旌旗蔽通衢嗟我遠游子不敢同馳驅道左發
長歎歎者一何愚

海渚無橋梁日暮波浩浩車馬不能通遠望怒如擣浮
雲日以變我親日以老萬里飛烟塵天末傷草草夢見
故鄉客言歸苦不早舊宅屬他人斗大梧桐槁親戚有
書來書中何所道上言鄰里殊下言故人少

和陶飲酒

子安問黃鵠萬里將安飛八極紛茫茫中路能無悲三
萍飄大海風波還相依安得如潮頭朝夕自言歸一經
離亂中盛年忽已衰有心不敢惟有口當依違

德政殿名對紀事

賊勢旣猖獗藩鎮爲急策軍容可撤回直指亦何益三
關皆要道急選勁旅扼山東河北士義俠多腕搯豪傑
一網收彼自能控格不則爲賊招腹心翻阻隔若爲措
餉憂何難一籌畫募屯計竝行危地可安宅臣言無忌

諱謀國宜采獲

從治父道中還家

作客寒冬冬至節日夕北風何凜冽同雲布地卷茆邨
悲號中夜苦桑折五更風止天未明半空浙瀝雨作雪
長塗一望高下平雞鳴門外無車轍披裘騎馬行雪中
以手執鞭冷如鐵男兒他鄉自苦辛安居那得成豪傑
荒田不種少人烟野河水合橋梁絕馳驅百里始還家
入門夜暗燈將滅道路風塵阻且長相逢氣結不能說
親戚家人皆笑余年歲歲長離別

釣臺作

釣臺何嶙峋當時必有百尺釣竿千丈綸乃可垂釣桐

明詩綜卷六十一

八

江濱祠堂草木歲時新子孫上食皆不貧先生無行事
先生不著書但能不肯爲人臣今人不能棄富貴乃以
藏拙譏古人我亦停舟暫釣桐江水桐江千年少泥滓
嗟乎不得故人爲天子一棺之土聊葬此

狂歌

出門祇攜一卷書豈可五侯七貴同馳驅作詩不入時
人眼且與燕市丁東按檀板三斗酒後燈放花渾脫舞
作漁陽搗滿堂烈烈崩風沙忽然住得一句手揮四座
騎馬去

牛角飲

一牛角兩牛角滿斟四五壺雙手向前握苗兒各唱四

聲歌笑我江南不能學

看月

一片鍾山月那從嶺外看昔嘗臨北闕今獨照南冠萬里天難問三更影易寒夢中兒女路莫憶舊長安

聞鴈

衡陽無鴈到今過嶺南飛世亂成行少家亡寄信稀鷓鴣聲共苦鸚鵡語全非鄉國爲關塞明春帶我歸

逍遙洞

在武岡之洞口

天地一時小惟餘谷口寬名山藏日月野老剩衣冠石向何人語春知此歲寒幾家烟火在題作鹿門看

下客

明詩綜卷之九

九

人不識時務進退良可惜纔出魏其門謀爲武安客

聽蘆笙作

誰伴愁人坐月明
苗中兒女舞蘆笙
自言頗似江南曲
不是秋笳出塞聲

金堡

三首

堡字衛公一字道隱仁和人崇禎庚辰進士除臨清知州晚爲僧名今釋字澹歸居韶州丹霞山卒于平湖有徧行堂集

聞高齋還公安

別離不覺易過後悔常遲此老已歸去何時重見之嶺雲緘舊草江月憶新詩零落尋山寺虛齋只夢思

載菴

落葉平坡外騎牛古寺還一回風雨過幾幅米家山

光孝寺鐵塔

我見南漢碑輒憶雲門老有寺闌無人庭前一丈草

梁以樟一首

以樟字公秋錦衣衛人崇禎庚辰進士除太康

知縣調商丘有邛否集

白田雜詩

吳飲楚舞雜羌歌翠靨紅顏架豪駝一曲琵琶萬行淚
朔風吹夢度交河

姜垓五首

明詩綜卷六十九

十

垓字如須萊陽人崇禎庚辰進士除行人有篔

簪集

詩話如須官行人見解舍碑有阮大鍼姓名特疏請碎之重書勅石思陵允之乃削去大鍼名徐昭法詩所云擊姦穿碑碎是也甲申後避地吳門卒葬西山之竺塢詩窟溫潤而恂栗著處士襲序之

寄吳學士二首

飄飄楊白花溶溶大江水天衢旣阻修良人隔萬里妾
身如飛蓬貞潔聊自矢朝立青雲端暮倚朱樓裏四顧
多徬徨塵沙蔽野起梧桐摧爲蕙蘭薰化爲枳中夜坐
長歎皓首思君子

楚山有良璞昆池有奇琛投之非其主誰能明我心掩
袖向前浦驅車出丹岑延頸蓬島上白日忽以沉北首

瞻行旅邊雨正浸淫念我平生交淚下沾衣襟

送楊明遠渡江

書記從征日軍咨入幕年六朝京口樹萬里海門船裘
馬誰爲主才名自可憐西風征鴈急遲爾菊花前
送馮太僕暫還滁陽奉新命即赴南通政

草木春江遠絲綸魏闕通憂時頻望北封事苦留中逆
耳何辭罪批鱗敢論功太平持奏體敢入建章宮

法螺菴秋居同徐枋作

寂寞重陽後秋林晚更花月高沙宿鴈風勁樹翻鴉卷
幔丹梯遠懸燈竹院斜定知愁病日坐穩勝還家

朱朝瑛

五首

明詩綜卷六九

二

朝瑛字美之海寧人崇禎庚辰進士除荏德知
縣有正誼堂詩集

過沈聞大葭莊

伊人何在在蘆之漪有堂有亭有林有池一爲丘不高
爲壑不深其室則邇而有遐心二策杖以游遵彼一曲
釣綸可垂巾酒可漉三與子分手於今六年百爾所思
不如晤言四

感懷

小鳥巢荏蒲依然得其所育子思且勤相與哺用舖一
朝秋氣深蕭索河之澚巢破子亦危飛鳴訴孤苦因之
感勢交炎炎何足數

管寧

幼安亦賢者無乃太矯飾牽牛蹊我田而自與之食吁
嗟有深意衆人固不識干戈日相尋聞此庶少息

同姚有僕何羲兆孟長民游栖真洞

白日焚犀火青泥滴乳泉暗須幾兩屐寒想五銖繇仙
鼠翩翩掠瓜牛曲曲旋不知危石底忽露一條天

題畫

釣竿三尺寄浮查漂泊萍蹤一水涯日暮可憐紅蓼岸
秋聲一夜繞漁家

湯來賀

一首

來賀字佐平南豐人崇禎庚辰進士除揚州推

明詩綜卷六九

十三

官擢刑科給事中改禮部主事仕至廣東布政
使

過舊寺次拙菴韻

將霽辨羣峰微雲在孤嶺蘭若隱其間潭泉心共冷衆
卉含新色頽垣延古影靈域世情稀懷抱春日永清澗
濯吾足崇岡振吾領迢遞見匡廬憩寂觀幽境我心多
憧憧茲焉安可靜

來集

一首

集之字元成蕭山人崇禎庚辰進士除安慶推

官擢兵部主事

贈吳半壁

養鶴栽松共幾年故人茅屋萬峰前只應谷口移雲住
滿洞桃花隔釣船

徐芳二首

芳字仲光南城人崇禎庚辰進士除澤州知州
有松明閣詩選

喜渡河洛再過伊闕

次第鄉城減龍門入望真游絲天際路歇馬渡頭人繡
佛雙崖古流花一洞新頗矜伊洛道從此稍知津

渡孟津

征車不可歇夷險且相任天意限南北人行自古今躍
魚雖有力飲馬豈無心惆悵剗舟者功高禍亦深

高承埏

十六首

明詩綜卷十九

十三

承埏字寓公一字澤外嘉興人屯田郎道素子
崇禎庚辰進士知遷安寶坻涇三縣遷虞衡主
事有稽古堂集

詩話先生表忠裏孝以父死不辜伏闕訟冤絲綸奪者載錫三宰雷封
各著循績而危邦墨守尤文吏所難能惜乎功多不賞至今寶坻父老
有遺憾焉家藏書八十種與項氏萬卷樓爭富雖干戈擾攘不輟吟嘯
其病中述志云惟將前進士慘澹表孤墳讀者比之澤畔行吟西臺嘔
哭

崇禎庚辰上巳偕同年諸子修禊海淀

羲馭無停輪逝波焉可駐言尋佳節屆轉惜芳春暮緬
昔蘭渚游少長樂咸聚蕭散依林泉慷慨託毫素諸君
跌宕士希風結遼慕濯流仍清漪塞芳復高步觴來俯

纖鱗曲終倚嘉樹閒情釋近鞅睇目眷霞寓脩短匪殊
塗所貴適真趣各勉山水期於焉謝勞驚

蘆臺聖母廟神絃曲

我擊鼓子潭如神之來子七十二沽我牲牢子既薦神
之去子九十九澗煮水子海孺紛萬竈子青烟魚龍安
宅子風霽毋作詔我民子報祀有恪

十八里橋

野外官橋斷溪邊綠樹層人家多酒市風俗但魚罾問
渡爭編竹聽歌雜采菱晚來飛雨過半濕夜船燈

石佛寺逢寒食

逝矣芳春節淒其細雨天祇寒羈旅食不禁夕烽烟地

煖衣初試山深燭未傳佳期渾寂寞端坐憶流年

同錢而介尋東峰亭遺址

精舍憶東峰曾栽夾道松到門停吠蛤洗盃隱乖龍露
滑前山屐風傳隔嶺鐘淳于遺世士送客想高蹤

湘江漫興

南浦多芳草萋萋亂客愁虛傳帝子瑟不見鄂君舟白
鳥迷沙市青楓對驛樓登臨無限意烟水共悠悠

辛巳人日遷安署中懷諸從弟

人日人無賴春風春可憐登高成故事寄遠有新篇柳
色開晴陌梅花燼遠天故園兄弟在相憶草堂邊

宿蘆州塔下寺

樹色漁陽少僧廊塔下開爐中分佛火檻外即香臺露
草吟蟲苦風鈴怖鴿來雞蘇問遺若覽古思徘徊

卧疾遣懷兼荅親知見存

往事憑詩史新愁負酒徒故人音信斷何處覓柴胡

送王瑜仲還維揚

一曲旗亭酒未消離情已逐廣陵潮君歸定倚吹簫侶
明月相思第幾橋

鴛鴦湖

兩湖秋水抱城斜縹緲樓臺帶落霞日暮鴛鴦看不見
數聲風笛起蘆花

中秋詞

明詩綜卷五十一

十五

芙蓉墜露玉階涼小院銀屏秋夜長一曲清歌人不見
水晶簾外月如霜

過江州

江州風物自妍華過客停舟只暗嗟秋暮離腸元易斷
不關紅袖泣琵琶

一曲溪上偶見

画船風動茜裙低兩兩紅妝照綠溪驚起鴛鴦不成夢
一雙飛過蕩花西

望盤山作

中盤雲氣下盤生紫蓋峰高晚獨晴安得時平解塵組
白松樹底飯黃精

春日聞杜鵑

三月花前叫落暉
四更柳外點征衣
行人一任催歸去
只莫天津橋上飛

單

恂一首

恂字質生松江華亭人崇禎庚辰進士麻城知

縣有白燕菴詩集

詩話質生力婦陳言濃而不膩

涿鹿覽古

樓桑邨路燒痕連
督亢陂頭散暝烟
征鐸帶寒春瘴曲
市帘垂樹暮橋邊
樂君冢廢山狐窟
鄴尉亭空野蔓牽
猶望太行三月雪
故園紅雨正漫天

明詩綜卷六十九

去

金陵紀事

苑城春閉綠楊絲
江介軍書醉不知
清曉內璫催尚藥
官蝦蟇進小黃旗

桃花引

白鳥灘頭格格飛
冒船咿軋鰕魚肥
劉郎愛向桃花老
不過神仙也不歸

春雨二首

杏花紅雪覆東牆
玉版初肥若下香
陡憶斷橋清夜燭
瀟瀟暮雨唱吳孃

紅發棠梨花滿枝
小樓寒食雨絲絲
白頭更度傷心節
細簡冬郎蜀紙詩

鄧尉觀梅

擬尋茅屋占山椒
亂後生涯谷口樵
慚媿梅花憐客去
衝寒飛度虎山橋

鄰叟貽芍藥一本

一叢婪尾映牕紗
誰寫徐家沒骨花
好共當階傾鑿落
離人多少尚天涯

有贈

花底相逢記隔春
西牕剪燭夢還真
鶯黃柳色鶯黃酒
莫負池塘月待人

對雨念小園花事

記得停歌醉似泥
木蘭擎月小廊西
玉人泥要新詞唱

明詩餘卷六十九

十七

蜀紙燈前減字題

有憶

絳河斜落草蟲鳴
簾卷芙蓉夜色清
憶醉銀船涼月底
白家菱角坐吹笙

沈中柱

一首

中柱字石臣平湖人
崇禎庚辰進士
除吉水知縣
晚爲僧名行燃號
無淨往來靈隱
金粟間有

懷木菴詩草

重九

川靜晴郊迴山明
宿霧收空庭來返
照惆悵一登樓

張利民

一首

利民字能因候官人崇禎庚辰進士除桐城知縣擢戶科給事中晚披緇入山自稱田中和尚有野衲詩略

詩話先生牽絲之日值張獻忠來攻危同囊卵而以忠義激勸將士執所佩刀殺白雉以血灑地曰諸公有二心者彼視又折矢誓曰利民今日藉諸公力堅守有功不以上聞者有如此矢將士咸感泣獻忠百計攻之不克賴黃得功援師至城以獲全宰邑三年治行推天下第一當其墨守無暇作詩詩多行誼後作情辭悽展惜其未詳

過竹崎

憶昔讀書處溪山半已非飄零邨店酒寂寞草橋扉世變人愁老江寒鳥倦飛乘舟風頗惡歎息寸心違

李公柱

一首

公柱初名松晚更今名字子喬嘉善人崇禎庚

明詩綜卷二十九

六

辰進士知歙縣事罷歸遂不復任有澹齋草

詩話子喬旣遂初衣其詩澹蕩足釋煩憂假令吳清翁見之定當贈羅一練鮑墨五笏

春日

柴桑歸去興如何老我谿山活計多白酒春寒逢社醉青萼雨過苔漁歌儘容茅屋招新燕更鑿荷池浴乳鵝閒裏韶華元自好願將餘歲伴煙蘿

祁熊佳

一首

熊佳字文載紹興山陰人崇禎庚辰進士南平

知縣

寓山秋夜

羣動暝已息山牕夜逾響將毋楓折膠或恐虎磨癢徐

聞落葉翻旣下思復上氣盡信所之物各反其黨秋蟀
吟再三流螢時一晃申旦耿不寐樂游念疇曩嗟我懷
沙人汨徂竟安往

沈光裕 一首

光裕字仲連大興人崇禎庚辰進士贛州推官

遷戶部主事

古意

家臨玉河水玉河朝暮流商人能盪漿盪妾到瓜洲

田有年 一首

有年字孫若宿松人崇禎庚辰進士除兵部主

事歷官浙江按察副使驛傳道乞終養歸

明詩綜卷十九

十九

淮浦

極浦連天邈橫隄引練長雨新魚吸浪風過鳥銜香地
入三洲閩人同六郡良榜歌隨所適到處有漁榔

明詩綜卷六十九

明詩綜卷六十九下

小長蘆 朱彝尊 錄

鉅鹿 胡范 緝評

徐孚遠 五首

孚遠字聞公松江華亭人崇禎壬午舉人

靜志居詩話先生達齋侍郎之裔太師文貞公族孫與卧子孫仲勳自
輩六人倡幾社於雲間切磨今古文詞傾動海內既而乘桴遠引騎鶴
重歸失詩不多
類有身世之感

擬李陵錄別詩 二首

微雲何澹澹星漢燦以明攜手步廣除淚下如散霽征
馬臨岐路徒御多抗旌方當萬里別能不敘平生與子
同一體盤石紉芳蘅芳蘅自有時盤石徒縱橫一朝兩

明詩綜卷六十九下

決絕何能復合并願託子懷袖因風馳我情

皎皎藍田玉鏤作玦與環攬環與子佩取玦結以繫子
環信縝粟我玦鮮垢癥誰知一物微決絕義自天歸雲
入勾注密雪淹陰山握手臨路歧涕泗共沈瀾馱彼南
翥鳥奮飛何由還

曉入京口

獵獵風稍勁驚流伏枕聞晨鐘下巖際戍鼓列江濱已
辨南城樹新添北府軍亂離知未定淹泊對孤雲

尋顧野王讀書臺

入門禾黍動秋風廢院難支碧蘚中不及平原兄弟宅
尚餘粟主寄花宮

簡朱子若甥

烏衣門巷舊勾留，不過東齋兩度秋。
準擬天星湖水發，藉袈橋下穩停舟。

陳

恂

三首

恂字子木，本姓曹海鹽人。崇禎壬午舉人。

麟溪沈氏九松歌

我聞杜陵野老浣花溪，上之草堂堂前四松初移三尺。
強當時作歌紀其事，千載想見柯葉之青蒼。麟溪沈氏
之松，勝錦里相傳南渡攜家植於此。九株夭矯羅北山，
北山堂枕麟谿水。麟谿子姓十九傳，約略與松五百年。
偃如車蓋散若薺，捎雲拂月叅高天。我登北山，山色好

明詩錄卷十九下

二

山中爽氣開晴昊，偶逢蔣詡開三徑，却似香山揖五老。
主人愛客兼愛奇，拂拭几席罷圍碁。圖書金石出箱笥，
梅花袖畫老鐵詩。諸公此地經過數，坐石臨流翠成幄。
月波之酒清若空，戶戶齊傾斛犀角。酒酣最愛謾謾風，
古人知與今人同。我將別去轉惆悵，夢裏無忘十八公。

秦始皇祠

二首

玉座荒遺廟，金輿遠翠微。神仙無處所，海水自羣飛。
玉朝馳道鮫人暮，卷衣寂寥風雨夜。應悔曷儲非。

玉子在海口海

上有秦皇馳道

轍跡空山裏，登臨隘九州。椎方驚博浪，氣已盡沙丘。
帝醉膺鶉首，祠荒對蜃樓。長懸滄海日，不見翠華留。

陳 瑚 二首

瑚字言夏嘗熟人崇禎壬午舉人有確菴集

无悶謠

我有敝廬不蔽風雨容膝易安寧懷故宇我有破衲納
絮其中紉緘補綴可以禦冬我有小瓢空空自守可以
酌水可以飲酒我有短牀足不能直雞鳴而起嚮晦而
息何乾何坤何旦何暮何醉何醒何寐何寤吾目其矇
吾耳其聾生乎吾始死乎吾終

訪江子

家住蓮花淺水灣隨風偶爾到人間輕舟載得故人酒
趁此月明蓮夜還

姚宗典

一首

明詩綜卷六十九

三

宗典字文初長洲人崇禎壬午舉人

同朱十汎舟鏡湖過祁六菰芝書屋留飲賦此

鏡水八百里輕舟信所之迴塘柳姑廟獨樹項王祠白
露采菱角烏篷維柳枝相過紫芝屋爛醉亦無辭

朱一是 十首

一是字近修海寧人崇禎壬午舉人有爲可堂

集

陸水修云近修文名早擅建避地江東屈志百里尤以才略見長

歸欲披緇以老而從游弟子力強之說經因主文社太丘之交社

日

廣州來之縞紵彌多古今詩不事於鍊而詞采斐然五言如十暑社

陵

爲一寒范叔袍秋懸游子夢日落異鄉山野火燒山近寒星照水明

山

空初過兩水氣忽生秋淚以傷時盡愁須醉日多僧厨三度臘客夢

一

歸鄉翦竹開深徑因溪架小橋青山寒照日黃葉晚從風遠水通溝

濁

漢陰接樹平妻子他鄉淚文章浩劫灰七言如牧馬官同張翼歲進

賢

賞竝鄒千秋關河秋色三千里風雨冬青十二陵代北重關飛白鶴

京西古鎮出黃花笛裏羌歌燐折柳馬頭闌樹但生榆長江險失韓檣
虎督井春理張麗華三楚烽塵新幕府六朝烟雨舊樓臺漢布秋風搖
練影石梁新雨稼藤花皆音響清銷猶是歷下四溟敬手 張白方云
近修東南俊及詩派亦足領袖後來若過淮陰釣臺作云功成百戰歸
真主計失三齊乞假王
擲地有聲不作濡響

桃葉歌

桃葉含桃花花落子稠疊子熟生桃蟲蟲還食桃葉

雨淋鈴

靈武中興日華清寂寞時上皇新度曲唯有舊臣知

結交行貽胡四鶴高

生年不滿百戚戚憂終日謀事常苦疎結交常苦密交
密夫如何如以膠投漆不能復相離况乃三歲隔故人
江之南一水渺何極近日鯉魚風吹浪過江北我獲雙

鯉魚提刀剖魚急腹中無素書擲魚長歎息

明詩綜卷之九十一

四

郊飲

萬里兵猶動三年客竟歸偶尋芳草路因見落花飛野
燕隨風側溪魚得雨肥悠然堪獨醉惜與壯心違

京口遇兵

江水茫茫殺氣并淒淒畫角戍樓聲舳艫夜月中流斷
羽幟秋風隔岸明大將營開揚子渡健兒馬出潤州城
關門老客頗相戒湖海于今罷遠行

同友人再游虞山

輕舟十里泛平沙雲外虞山一半遮堤勢遠迴言偃墓
草痕青入仲雍家野泥初圻未開笋溪雨欲流將盡花

乘興不辭今日醉此身誰記在天涯

潛溪

潛溪雖蕭條景物故鄉美春日對春山秋風蕩秋水

望泰山

泰山突兀與雲連山下兒童學控弦七十二泉何處瀉
可憐不灌兗州田

經過有感

金粉瓊膏化作灰美人池館半青苔只今寂寞斜陽裏
多少東風燕子來

秦溪

秦溪斜日射秋蘋幾箇閒鷗自作鄰沙斷柳深漁路狹

明詩綜卷六十九

五

野橋西去竟無人

包

捷四首

捷字驚幾吳江人崇禎壬午舉人有西山集

詩話先輩避地穹窿灌園自給而文誼真摯哭孫孝廉兆奎于內
橋收吳進士易體于湖上讀其韻語淋漓慨懷唾壺之口幾缺

藏軍洞

誰識藏軍洞連山伯氣平深宮方閉戰敵國利行成劔
術諸離死兵容婦女更勾吳空舊壘不盡怒濤聲

吳佩遠徐昭發晚過

野岸黃泥路繁花二月天有來客不速休使榻常懸秉
燭愁仙鼠披衣拜杜鵑人生寧再少莫負酒如泉

弔方正學先生祠

正學祠荒野草榮門前惟見大江橫革除青史人長在
飛渡金川路未明自有麻衣慙叔父難將草詔重先生
從今家事誰堪說更爲文皇痛北平

過通濟門

金城介馬棄東遊軹道亭連故國秋不見小兒能破賊
漫言太尉獨登舟管絃聲咽開元曲楊柳烟餘結綺樓
到此傷心休再問昔年天子本無愁

林尊賓一首

尊賓字燕公莆田人崇禎壬午舉人
將歸莆陽留別吳江諸子

贈別臨岐折柳枝越山上瀨片帆遲荔支亭下清秋月

還憶吳江楓落時

明詩歸卷五九下

六

張 珪一首

珪字韞仲寶應人崇禎壬午舉人有木侍樓詩

集

秋晨

新涼容易到幽棲晨起輕衫小院西蟋蟀草根吟未歇
牽牛竹尾一莖低

陸 彪二首

彪字文虎鄞縣人崇禎壬午舉人

雪消汎舟泊八測

春草吳江碧扁舟興忽乘長橋斜鴈度古塢凍雲凝放

溜愁傾甕欵帆罷枕肱怪來邨鼓靜小市已收燈
閱湘陵自山陰寄蕙蘭賦謝

寄我青青蕙攜持喜欲狂葉垂江露重花發剡溪香沅
芷神交遠猗蘭古調揚無言一莖草金石永難忘

徐枋七首

枋字昭法吳縣人崇禎壬午舉人有俟齋集

詩話孝廉高蹈者吳越居多始終裹足不入城府者吾郡李潛夫巢端
明及吳中徐昭法此外不驟見昭法沒最晚故名尤重江左得其詩画
不常璫
瑚鈞也

送遠詩四首

采采蕙蘭花皎皎冰雪姿含英當空谷正值秋風時秋
風率以厲百草奄披離子獨執高節凌風颺芳菲

明詩綜卷六十九

七

鷓鴣先時鳴蘭蕙爲不芳世路悲嶮巖讒言何高張骨
肉旣徂謝豺虎蹲我旁微命值多難坎懷多憂傷願言
撫疇昔幽思結中腸

良時旣不再日月忽已淪杳杳竟長夜悠悠失路人臨
風發三歎志意悲未伸人生能幾何百歲如颺塵修名
恐不立躑躅長悲呻避世同所願結髮栖何津邂逅寸
心違泣涕沾衣巾

幽愁八載餘歡言決旬月長歌飲美酒忽復傷離別中
腸惋以摧臨觴氣哽咽愁多不成寐參辰自橫列徙倚
當空庭悲風起天末

別詩

上山采薇蔽日暮不盈把苦饑良足悲將遺同心者良
友遠別離踟躕送于野我有盈觴酒黃流傾玉笋申以
遠游曲中懷期共寫清商一何悲四坐和者寡恐傷游
子心攬涕不敢下景光已西馳日月不我假

食園茄

園蔬生自好微物入盤餐錦里芋相似青門瓜共繁嘗
新霑夏實垂露摘秋原遙憶霜風裏根株何處存

懷友

細雨寒江路疎燈獨夜舟故山今寂寞爲訪玉峰秋

譚貞良

三首

貞良字元孩嘉興人崇禎癸未以五經中進士

明詩錄卷十九

八

有狷石居遺藁

詩話先生書破萬卷以五經成進士重爾山海正命不渝大節皎然一
世余之姑作配先生猶憶弱齡就塾先生之堂先生與姑視子猶子嘗
課題以國士乃今飄落無容不副先生
之品目錄先生遺詩不禁清淚闌干也

樓桑先主廟

系出中山近名從小沛聞卜鄰占李定望氣得周羣象
叶黃龍瑞符仍赤帝文全家頻脫險一旅忽能軍名士
收諸葛英雄獨使君志寧摧百戰力已限三分淚盡髀
生肉魂歸棧入雲枯桑遺廟折野火斷碑焚繫馬臨風
至題詩塞日曛粉榆存舊社絃管尚紛紛

高寓公云使
事精當切實

題河梁泣別圖

都尉臺前起朔風節旄空盡路西東不知別淚誰先落

同在河梁夕照中

題圮橋授履圖

千金散盡已無餘圮上蕭條授履初
法吏空煩偶語律不知黃石解傳書

余增遠一首

增遠字爾德一字謙貞會稽人崇禎癸未進士

除寶應知縣

詩話明府遜世躬耕故人有官監司者屏車從訪之與室人避入帷帳中故人留白金校贈明府麾之門外終不得見庶幾合乎擊坏踰垣之焉

杜子將歸楚賦送

春風春水太無情有客無家問去程
黃鵠磯頭斜照下

明詩歸卷六十九

斷腸玉笛武昌城

周齊曾一首

齊曾字唯一鄞縣人崇禎癸未進士除廣州順

德知縣有囊雲詩草

詩話唯一挂冠歸里耕藏飲谷入山惟恐不深其爲詩駁嘗同故言不必中倫慮恒以硬語盤空幾於幽獨君語人雖大怪之不顧也

贈呂叟

自得中林趣蕭然水石間
過橋重聽瀑入寺乃尋山
雖與羣動接不殊獨坐閒
年來勤穡事晴雨頗相關

彭長宜四首

長宜字申伯一字德符海鹽人崇禎癸未進士
除上海知縣有瞿瞿齋詩藁

過下壩換小舟

屢逐尖頭艇還盤上水堤斷烟歸遠嶼新漲涌前溪田
陌晴飛雀邨莊午聽雞迴塘何宛轉又過小橋西

旅夜

茅店寒威冽愁因不寐添排風牕隙猛落月屋梁纖析
響遙從魯左氏傳魯擊
析聞于邾驢鳴笑似黔披衣喚僮僕猶戀睡

鄉甜

天啓宮詞

宮娥扈蹕集靈臺粉黛三千上直迴見說昭陽換歌舞
大璫昨進美人來

泊沈家門山

明詩綜卷五九

十

魯門深峭海波平戍櫓頻傳夜柝聲欲訴離愁眠未穩
起看殘月趁潮生

鈕應斗二首

應斗字宿夫秀水籍吳江人崇禎癸未進士

鄭耘谷備兵岢嵐寄之

分手玉河日微風阜角橋南歸鄉夢近北望驛書遙露
冕知臨晉懸旌想度遼榆關秋色好落日馬蕭蕭

平波臺

積水明於鏡中流峙此臺雲從湖岸落浪湧寺門迴柳
外千帆去沙邊一鳥來昔年題詠處古壁滿莓苔

陸鈴二首

銛字容可一字武銘秀水人崇禎癸未進士

越行雜詠 二首

蕭山一帶接江潮迤邐湘湖雉堞遙恰似西泠烟樹裏
好安十二繞堤橋

嵐光冉冉樹亭亭盡日漁人汎綠汀八月山陰山下路
稻花香軟舞蜻蜓

魏學濂 二首

學濂字子一嘉善人崇禎癸未進士改庶吉士
有後藏密齋詩藁

王孝峙遷居

小屋容君住遷期日日賒對門橫一水出汲有千家曲

明詩綜卷五十九

徑通橋便低簷避樹斜著書儻有暇移種故園花

讀韓琮商山店詩戲擬其體得樓下曉泊

一夜東風趁客舟篆烟飄處暫淹留帳鉤觸柱人初起
奩粉吹香撲未收開箔先攏金約臂插花仍露玉搔頭
誰能化作長干水日繞妝臺四面流

呂潛 四首

潛字孔昭遂寧人大器子崇禎癸未進士有懷
歸草堂守閒堂課耕樓三集

大水渡泗州

浩浩春濤闊孤城一葉浮烟城淮水暮風雨泗陵秋戍
壘存官渡蘆花伴客舟年年涉江渚愁絕此中流

上元日懷兩弟

已斷江南夢，荒園勝事增。遠灘春社鼓，寒月草堂燈。濁酒因鄰得，嘉蔬近圃登。佳時兄弟隔，愁思獨難勝。

成都雜感 二首

陸海塵飛井絡昏，錦城茅屋類江邨。摩挲但有支機石，尚共銅駝卧草根。

繁華閨閣重詩書，賦就朋箋錦不如。萬里橋頭凝望眼，

枇杷花下更誰居。

前朝婦女皆有詩社。

宮偉錄 二首

偉錄字紱，玄秦州籍。靜海人。崇禎癸未進士。有

采山外紀入燕集。

明詩綜卷五十九

湯君謨見示蕭尺木所画春江送客圖

小艇知何適，將無蹈海行。草橋新月上，山店曉燈明。悵望同舟色，踟躕執手情。片帆春水足，詩思落江城。

燕地雜感

天雄直北古澶州，千里浮雲入望愁。一自寇萊公去後，

暮雲風葉響梧楸。

張若義 一首

若義字吳東，松江華亭人。崇禎癸未進士。

詩話：吳東爲余中表，兄甲申以後，潛身家巷，躬自灌園。余嘗訪之郊西，適荷鋤帶笠相揖於瓜瓜白芑之間，破屋數椽，下一欄以留吳處士驥。

暇相酬和，詩思清厲，有亮節而無儒響。

擬太白登謝朓北樓

孤城一眺望平楚正萋萋春穀流泉暗陵陽落日低寒
雲隨宿鴈暮靄失前溪坐嘯懷人遠狂歌度水西

趙庾二首

庾字大庾吳江人崇禎癸未進士有雅南堂詩

橐

襟詠

西山石磊磊叢艸奮階除中有耕雲叟力芟尚有餘幽
蘭發素莖其芳襲人裾秋風忽搖落綠葉日以疎移根
贈遠人榮華俟來且

野眺

野眺西山水畔行五湖波浪靜無聲短垣故逗仙人杏

明詩綜卷六九下

七

啼罷鶉鳩山雨晴

徐遠一首

遠字屆甫嘉善人崇禎癸未進士有遙集篇

贈大輿上人

賈島人稱佛湯休不類僧一絃彈古月五字琢寒冰指
石禪心定看松歲臘增駕湖多長者共許道人能

汪挺一首

挺字無上更字爾陶嘉興人崇禎癸未進士有

曾城遺橐

朱太守鶴洲草堂落成同諸公讌集

澗紆巖削徑初成雅稱歸來物外情近郭門無軍將打

過橋龕有佛燈明雙栖煙島昂藏鶴獨轉風林斷續鶯
敢謂幽蹤希二仲深煩折簡費將迎

顧 朱一首

朱字自公崇德人崇禎癸未進士有石磷主人
詩草

月夜

三徑陶潛宅重湖范蠡舟一輪初滿夜萬象已高秋遠
樹枝藏鵲前溪水沒鷗秦川貴公子此夕強登樓

吳夢白一首

夢白字可黃崇德人崇禎癸未進士吳縣知縣

吳山懷古

明詩綜卷六十九下

十四

丹梯百尺上層巒滿目蒼涼不忍看尚有雕牆餘舊內
何期降表出臨安錦衣樹老千年失白鷺潮生八月觀
多事屯田柳員外荷花桂子釀兵端

金廷韶一首

廷韶字一如紹興山陰人崇禎癸未進士有恥

廬剝草

上方菴

寒花三五樹開落在中峰不見招尋侶深林出午鐘鳥
隨雲到谷泉注盞藏龍今日春游始禪關得所從

明詩綜卷六十九下

◎ 杭州圖書館

杭州圖書館